

CÓID



CÓID

Cumann Lúthchleas Gael (*Bunaithe i 1884*)

Cumann Lúthchleas Gael
(Bunaithe i 1884)

CÓID

GACH CEART AR COSAINT

© Curtha i gcló ag Ard-Chomhairle
an Chumainn, Páirc an Chrócaigh,
Áth Cliath 3.

Clár na nÁbhar		
CÓID		Leathanach
(1)	AN BHRATACH NÁISIÚNTA AGUS AN tAMHRÁN NÁISIÚNTA	6
(2)	IOMPAR	6
	(2.1) Cumhdach Leanaí/Daoine Óga	6
	(2.2) Cód Iompair (Faoi Aois)	6
	(2.3) Treoir i dtaca le Déileáil le agus Tuairisciú Líomhaintí nó Ábhair Imní maidir le Mí-Úsáid	6
	(2.4) Cód Iompair	6
	(2.5) Gealltóireacht	6
	(2.6) Geallghlacadóireacht	6
(3)	URRAÍOCHT AGUS BRANDÁIL	7
	(3.1) Urraíocht	7
	(3.2) Brandáil	7
	(3.3) Téarmaí Ceadúnais agus Sainmhínithe	8
	(3.4) Feisteas Imeartha agus Trealamh	9
(4)	CLUB	10
	(4.1) Clárú Ball	10
	(4.2) Clárú Imreoirí	10
	(4.3) Cleamhnú	11
	(4.4) Cleamhnú Club Nua	11
(5)	RIARACHÁN	12
	(5.1) Comhfhreagras	12
	(5.2) An Ghaeilge	12
	(5.3) Cúrsaí Cumarsáide	13
	(5.4) Físchomhdháil agus/nó Comhdháil Ghutháin/Cinntí trí ríomhphoist	14
	(5.5) Costaisí Taistil agus Lóistín	14
	(5.6) Taifid	15

(6)	TRÓFAITHE & BOINN	16
(7)	ÁRACHAS/CISTE GORTUITHE NA nIMREOIRÍ	18
	(7.1) Ciste Gortuithe na nImreoirí	18
	(7.2) Árachas Réadmhaoine agus Dliteanais	18
(8)	RAICHTANAIS MAIDIR LE BALLRAÍOCHT IMEARTHA	18
(9)	AG IMIRT I S.A.M./CEANADA/ASTRALÁISE	20
(10)	INCHÁILITHEACTH DO CHRAOBHCHOMÓRTAS/GHRÁDUITHE	22
	(10.1) Sinsir	22
	(10.2) Idir-Chlub Idirmheánach	22
	(10.3) Idir-Chlub Sóisear	22
	(10.4) Iomáint Idirmheánach Idir-Chontae	22
	(10.5) Peil Shóisear Idir-Chontae	24
	(10.6) Sriantha Imeartha Contae	24
	(10.7) Stádas Craobhchomórtas Clubanna agus Sraithe Imreoirí	24
	(10.8) Grádú Clubanna agus Imreoirí	25
(11)	CRAOBHCHOMÓRTAIS CLUBANNA – CONTAE/CÚIGE/UILE-ÉIREANN	26
	(11.1) Craobhchomórtais Chontae	26
	(11.2) Infhaighteacht Imreoirí Idirchontae do Chlubanna	27
	(11.3) Fógra le haghaidh Chluichí Craobhchomórtais	27
	(11.4) Dícháiliú	27
	(11.5) Cúrsaí Eagrúcháin (Cúige agus Uile-Éireann)	28
	(11.6) Páirtí Foirne – Club Cúige/Uile-Éireann	28
	(11.7) Faoi 13 agus Gráid Níos Óige	29
	(11.8) Uimhriú Imreoirí	29
	(11.9) Páirtí Foirne/Roghnúchán	29
	(11.10) Dathanna na gContaetha	29

(12)	RIAR NA gCRAOBHCHOMÓRTAS IDIRCHONTAE	30
	(12.1) Clárú Mionúr/F20 Idirchontae	30
	(12.2) Clárú/Liostaí le haghaidh Cluichí Craoibhe Sinsear Idirchontae	30
(13)	SRAITHEANNA	31
	(13.1) Cúrsaí Eagrúcháin	31
	(13.2) Sraitheanna Náisiúnta	31
	(13.3) Trialacha do Rialacha Imeartha	31
	(13.4) Nasc le Stádas Craobhchomórtais	31
(14)	COMÓRTAIS AGUS CLUICHÍ DÚSHLÁIN	32
	(14.1) Cluichí Comórtais	32
	(14.2) Cluichí Dúshláin	33
(15)	CLUICHÍ – GINEARÁLTA	35
	(15.1) Bronnadh/Fíricí Cluiche	35
	(15.2) Rialacha maidir le Sonraíocht agus Rialú - Pionóis	35
	(15.3) Tréimhsí Dúnta/Comhthraenáil	37
	(15.4) Craobhchomórtais Ardoideachais agus Iar-bhunscoileanna Uile-Éireann	37
(16)	CUR I BHFEIDHM RIALACHA AGUS CÓD	37
	(16.1) Bailíocht Bunreachta Foirne	37
	(16.2) Dícháiliú Foirne agus Forghéilleadh Cluichí	38
	(16.3) Fíneálacha	38
	(16.4) Díbharrú	39
	(16.5) Ruaigeadh	39

(1) AN BHRATACH NÁISIÚNTA AGUS AN tAMHRÁN NÁISIÚNTA

(1.1) Ba chóir an Bhratach Náisiúnta a bheith ar foluain ag cluichí de réir prótacail.

(1.2) Nuair a bheidh an tAmhrán Náisiúnta á chasadh roimh chluiche, seasfaidh na foirne ar aire, ag féachaint i dtreo na Brataí, ar mhodh measúil. San Iomáint, bainfidh na himreoirí a gclogaid díobh le linn an Amhráin Náisiúnta.

(2) IOMPAR

(2.1) Cumhdach Leanaí/Daoine Óga

(Faoi bhun 18 Bliain d'Aois)

Cosaint agus Cumhdach Leanaí

Treoir ón Ard-Chomhairle (Cúrsaí Cumhdaithe) - Aistrithe

(2.2) Polasaí um Chumhdach Leanaí Cód Iompair (Faoi Aois)

(2.3) Treoir i dtaca le Déileáil le agus Tuairisciú Líomhaintí nó Ábhair Imní maidir le Mí-Úsáid

Ag déileáil le líomhaintí maidir le Mí-Úsáid

(2.4) Cód Iompair

[Cód Iompair](#)

(2.5) Gealltóireacht

Tá dianchosc ar Imreoir, ar Fhoireann, ar Bhall an Lucht Bainistíochta Foirne nó ar Oifigeach Cluiche atá bainteach le Cluiche geall a chur ar thoradh gné ar bith den Chluiche lena mbaineann.

Pionós: Gearrfar pionós ar shárú na rialach seo de réir Riail 7.2 (e)

(2.6) Geallghlacadóireacht

Ní cheadófar geallghlacadóireacht laistigh de mhaoín an Chumainn. Cuirfear balla sháródh an Riail seo nó a chuideodh le sárú na Rialach seo ar fionraí ar feadh 24 seachtaine.

(3) URRAÍOCHT AGUS BRANDÁIL

(3.1) Urraíocht

- Beidh an t-údarás ag an Ard-Chomhairle agus ag a Fochomhairlí agus a Fochoistí urraíocht a idirbheartú lena n-áireofar cearta ainmníochta do staideanna, seastáin agus ardáin de réir na rialachán a dhréachtóidh an Ard-Chomhairle ó am go chéile.
- Beidh an chumhacht ag an gCoiste Bainistíochta urraíocht agus cearta ainmníochta a idirbheartú agus a riar thar ceann na hArd-Chomhairle.
- Beidh comhaontú ar bith ina rachaidh an Ard-Chomhairle maidir lena haonaid ceangailteach ar aonaid uile an Chumainn.
- Tá cosc ar urraíocht ó chomhlachtaí gealltóireachta d'aon chomórtas, fhoireann, trealamh imeartha nó áis.

Pionós: Beidh aonad ar bith a sháróidh an Riail faoi dhliteanas dícháilithe agus/nó caillteanas costaisí, agus beidh duine aonair faoi dhliteanas fionraíochta nach lú ná ceithre seachtaine is fiche.

(3.2) Brandáil

- Cuirfear lógó corparáideach an Chumainn ar taispeáint ar na geansaithe uile a chaithfidh na himreoirí le linn cluichí oifigiúla, in agallaimh teilifíse nó físe réamhchluiche nó iarchluiche, siúl suas agus grianghraif imreoirí.
- Beidh lógó Shliotair Chluichí an Chumainn nó lógó an SMART Sliotar ar taispeáint, de réir mar is cuí, ar Shliotair Cheadúnaithe. Ní bheidh brandáil bhreise ar bith eile ar shliotair a úsáidtear i gcluichí oifigiúla taobh amuigh de na sonraíochtaí a cheadaítear ag an Ard-Chomhairle.
- Beidh lógó corparáideach an Chumainn ar taispeáint, de réir mar is cuí, ar gach Liathróid Cheadúnaithe. Ní bheidh brandáil bhreise ar bith eile ar liathróidí a úsáidtear i gcluichí oifigiúla taobh amuigh de na sonraíochtaí a cheadaítear ag an Ard-Chomhairle.
- Ní thaispeánfar ainm (ainmneacha) branda, marcanna sainiúla nó lógó de chuid Urraitheora ar gheansaithe, ar chultacha spóirt ná ar mhálaí spóirt imreoirí seachas de réir Comhaontú Urraíochta a bheidh faofa go hoifigiúil.
Ní thaispeánfar ainm (ainmneacha) branda, marcanna sainiúla nó lógó Urraitheora ar bhríste gairid nó ar chorp imreora.
Ní thaispeánfar ainm (ainmneacha) branda, marcanna sainiúla nó lógó Urraitheora ar bhríste gairid nó ar chorp oifigigh chluiche.
- Ní bheidh Club i dteideal dul isteach i gcomhaontú urraíochta maidir le húsáid ainm (ainmneacha) branda, marcanna sainiúla nó lógónna an Urraitheora ar fheisteas imeartha mura bhfuarthas cead i scríbhinn ón gCoiste Contae.
- Ní bheidh Contae i dteideal dul isteach i gcomhaontú urraíochta maidir le húsáid ainm (ainmneacha) branda, marcanna sainiúla nó lógónna an urraitheora ar fheisteas imeartha mura bhfuarthas cead i scríbhinn ón Ard-Chomhairle. Ní thaispeánfar ainm (ainmneacha) branda, marcanna sainiúla nó lógónna Urraitheoir an Chontae ach amháin ar gheansaithe agus ar gheansaithe macasamhlacha de réir na sonraíochtaí arna bhfaomhadh ag an Ard-Chomhairle.
- Ní bheidh achar iomlán ainm (ainmneacha) branda, marcanna sainiúla nó lógónna an urraitheora ar gheansaithe níos mó ná achar 350 ceintiméadar cearnach. Déanfar an t-achar sin a ríomh tríd an achar iomlán a thomhas, lena n-

áirítear aibhsiú cúlra, clúdaithe ón bpointe is faide uait go dtí an pointe eile. Ní thagraíonn ríomh na méide don achar a bheidh clúdaithe ag litrithe aonair ainm nó marcanna sainiúla nó lógó ach tagraíonn sé don achar iomlán. Ceadófar brandáil bhreise ar achar (achair) eile geansaithe agus geansaithe macasamhlacha de réir na sonraíochtaí arna bhfaomhadh ag an Ard-Chomhairle.

- (h) Ní thaispeánfar ainm (ainmneacha) branda, marcanna sainiúla nó lógónna nó ábhar fógraíochta ar bith eile ar bhróga peile, lámhainní, chamáin, thíonna ciceála, chosaintí láimhe, bhandaí allais, fho-éadaí, bhandaí cinn nó ar chlogaid nó mír ar bith de threalamh imeartha nó oiriúintí a chaithfear nó a thaispeánfar le linn cluichí oifigiúla nó in agallaimh teilifíse nó físe réamhchluiche nó iarchluiche nó grianghraf, seachas ainm (ainmneacha) branda, marcanna sainiúla nó lógó an déantóra nó an tsoláthraí.
- (i) Ní thaispeánfar ainm (ainmneacha) branda, marcanna sainiúla nó lógónna déantóra nó soláthraí ar mhíreanna fearais imeartha faoi mar atá leagtha amach i bhfochlásal (a) den Chód seo mura bhfuil míreanna dá leithéid san áireamh i gComhaontú Ceadúnais Oifigiúil a d’fhaomh Coiste Bainistíochta na hArd-Chomhairle roimh ré. Ní thaispeánfar ainm (ainmneacha) branda, marcanna sainiúla nó lógó de chineál ar bith ar stocaí.
- (j) Seachas de réir fhochlásail (c) agus (h), ní thaispeánfar ainm (ainmneacha) branda, marcanna sainiúla nó lógó nó ábhar fógraíochta eile ar bith ar gheansaithe, ar bhríste gairid, ar chultacha spóirt nó ar mhálaí spóirt.
- (k) Ceadófar glacadh le feistis agus/nó le trealamh imeartha ag aonad ar bith den Chumann de réir na gcoinníollacha seo a leanas:
 - (i) Go gcomhlíonfar fochlásail na Rialach seo;
 - (ii) Go dtabharfar an feisteas agus/nó trealamh imeartha d’Oifigigh Aonad cuí de chuid an Chumainn; agus
 - (iii) Go gcloíonn an fearas agus/nó trealamh imeartha leis na Rialacháin maidir le Fearas agus Trealamh Imeartha faoi mar a dhaingneoidh an Ard-Chomhairle ó am go chéile.
- (l) Ní dhéanfaidh aonad, imreoir, oifigeach nó ball a chonradh féin chun branda ar leith fearais, trealamh imeartha nó oiriúintí ar bith a chaitheamh nó a úsáid mura gcloíonn feisteas, trealamh imeartha nó oiriúintí dá leithéid go hiomlán le forálacha Rialach nó Cóid.
- (m) (i) Ní thaispeánfar ainm (ainmneacha) branda, marcanna sainiúla nó lógó nó ábhar fógraíochta eile a bhaineann le cuideachtaí alcóil, tithe tábhairne, nó áitribh eisceadúnais ar an bhfeisteas imeartha, arna leagan amach i bhfochlásal (a), nó feisteas /trealamh breise ar bith, arna leagan amach i bhfochlásal (i) ar le foirne iad nó a bhaineann le foirne a fhreastalaíonn ar dhaoine óga faoi bhun 18 mbliana d’aois amháin.
- (ii) Tá cosc ar urraíocht foirne a fhreastalaíonn ar dhaoine faoi bhun 18 mbliana d’aois amháin ó chuideachtaí alcóil.

Pionós: Beidh aonad nó foireann ar bith a sháróidh an Riail seo faoi dhliteanas dícháilithe agus/nó caillteanas costais, agus beidh duine aonair faoi dhliteanas fionraíochta nach lú ná ceithre seachtaine is fiche nó faoi dhliteanas ruaigthe.

(3.3) Téarmaí Ceadúnais agus Sainmhínithe

Ceadúnaí de chuid CLG: Soláthraí atá faofa, mar thoradh ar Chomhaontú Ceadúnaithe,

le Feisteas nó Trealamh Imeartha atá le húsáid i gCluichí Oifigiúla nó earraí faofa eile a chur ar fáil.

Comhaontú Ceadúnaithe: Comhaontú a rinneadh le Ceadúnaí de chuid CLG, ag brath ar chomhlíonadh Rialachán atá glactha ag an Ard-Chomhairle.

Sliotar SMART: Sliotar a úsáidtear i gCluichí Oifigiúla ar leith, mar atá faofa ag an Ard-Chomhairle, ina bhfuil micrishlis ar mhaithe le cuspóirí fíordheimhnithe.

Sliotar Cluiche: Sliotar ar bith, seachas Sliotar SMART, atá faofa le húsáid i gCluichí Oifigiúla.

Cluiche Oifigiúil: Cluiche a imrítear faoi dhlínse na hArd-Chomhairle, Chomhairle Cúige, Choiste Contae, aon Chomhairle de chuid na hearnála Oideachais – Bunscoil, Iar-Bhunscoil, Tríú Leibhéal nó aon fhoras eile atá faofa ag an Ard-Chomhairle le Cluichí iomaíocha nó forbartha a eagrú.

(3.4) Feisteas Imeartha agus Trealamh

1. Glacfaidh an Ard-Chomhairle Rialacháin maidir le caighdeáin chamán, sliotar, liathróidí peile, tónna saorga le húsáid le haghaidh ciceanna amach sa pheil chomh maith le feisteas imeartha agus trealamh eile.
2. Déanfaidh an tArd-Stiúrthóir faomhadh ar úsáid feistis imeartha agus trealaimh faoi réir chomhlíonadh na Rialachán seo.

(4) CLUB

(4.1) Clárú Ball

- a. Roimh an 1 Aibreán, cuirfidh Cláraitheoir an Chlub liosta, i nGaeilge, (ach amháin mar a fhoráiltear i gCód 5) isteach chuig an Ard-Chomhairle ar bhonn bliantúil, trí phróiseas Cláraithe Leictreonaigh, de na Baill Iomlána a chomhlíon an ceanglas dá Síntiús Bliantúil de réir Riail 6.2 de Bhunreacht agus Airteagail na gClubanna. Áireofar air sin ainm agus seoladh iomlán gach Baill Iomláin. Cuirfidh an Ard-Chomhairle cóip de Chlárú an Chlub ar aghaidh le ríomhphost chuig an Rúnaí Contae agus chuig an Rúnaí Roinne, nuair is cuí.
- b. Roimh 1 Aibreán, cuirfidh Cláraitheoir an Chlub liosta, i nGaeilge, (ach amháin mar a fhoráiltear i gCód 5) isteach chuig an Ard-Chomhairle ar bhonn bliantúil, trí phróiseas Cláraithe Leictreonaigh, de Bhaill Vótála Faoi Aois agus de Bhaill Óga de gach aois Faoi bhun 18 mbliana d'aois a chomhlíon an ceanglas dá Síntiús Bliantúil de réir Riail 6.2 de Bhunreacht agus Airteagail na gClubanna. Áireofar air sin ainm agus seoladh iomlán agus dáta breithe gach Baill Faoi Aois.

Cuirfear cóip de Chlárú an Chlub ar aghaidh le ríomhphost chuig Rúnaí an Chontae agus nuair a bhaineann le hábhar chuig Rúnaí an Choiste Roinne, Rúnaí Choiste Mionúr an Chontae agus Rúnaí Choiste nÓg de chuid an chontae.

- c. Féadfaidh seoltaí na mBall Iomlán, na mBall Vótála Faoi Aois agus na mBall Faoi Aois a bheith i nGaeilge nó i mBéarla.
- d. Cuirfidh Clubanna táille bhliantúil €2 isteach do gach Ball Iomlán a d'íoc as an táille dá Bhallraíocht sa Chlub le haghaidh na bliana tríd an Rúnaí Contae.
- e. Dáilfidh an Ard-Chomhairle Uimhir Chlárúcháin ar gach Ball. Coimeádfaidh an ball a uimhir fad is a bheidh sé ina bhall de Chumann Lúthchleas Gael.

(4.2) Clárú Imreoirí

- (a) Cuirfidh Cláraitheoir an Chlub Cláir ar leith i nGaeilge (ach amháin mar a fhoráiltear i gCód 5) isteach chuig an Ard-Chomhairle ar bhonn bliantúil, trí phróiseas Cláraithe Leictreonaigh, d'Imreoirí Aosaigh, Faoi bhun 21/20, Mionúir agus Ógánaigh (gach grád) an Chlub. Ní chuirfear imreoir san áireamh ach ar cheann amháin de na Cláir.
Cuirfidh an Ard-Chomhairle cóip de Chlárú an Chlub ar aghaidh le ríomhphost chuig an Rúnaí Contae agus chuig an Rúnaí Roinne, nuair is cuí, agus chuig Coiste Mionúr an Chontae agus Coiste na nÓg de chuid an Chontae. Áireofar ar an liosta ainm agus seoladh iomlán agus dáta breithe gach imreora.
- (b) Féadfaidh seoltaí na nImreoirí a chlárú i nGaeilge nó i mBéarla.
- (c) Féadfar Clárúcháin bhreise a dhéanamh ina dhiaidh sin. Ní mór d'Imreoir a bheith cláraithe trí lá ar a laghad roimh chluiche.
- (d) Beidh Clár Imreoirí ar fáil lena iniúchadh do Rúnaí Aonaid ar bith, ach é a iarraidh i scríbhinn.

Pionós: Is é seo a leanas an Pionós a bheidh i gceist d'imreoir nach bhfuil cláraithe:

Ar agóid chruthaithe - Bronnadh an Chluiche ar an bhFoireann Eile,

Ar fhiosrú arna dhéanamh ag an gCoiste i bhFeighil - An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

(4.3) Cleamhnú

- (a) Roimh 1 Aibreán, cuirfidh Club liosta i nGaeilge, (ach amháin mar a fhoráiltear i gCód 5) isteach chuig an Ard-Chomhairle ar bhonn bliantúil, trí phróiseas Cláraithe Leictreonaigh, d'ainmneacha Choiste Feidhmiúcháin an Chlub. Cuirfidh an Ard-Chomhairle cóip den liosta ar aghaidh trí ríomhphost chuig an Rúnaí Contae.
- (b) Cleamhnóidh Club gach bliain leis an gCoiste Contae ar fhoirm chaighdeánach um chleamhnú, ar a mbeidh ainmneacha Choiste Feidhmiúcháin an Chlub, dathanna agus dathanna comhroghnacha an Chlub agus dearbhóidh sé gur ghlac sé an fhoirm iomchuí de Bhunreacht agus Airteagail Oifigiúla an Chlub. Ní ghlacfar le cleamhnú Club mara raibh Cruinniú Cinn Bhliana ag an gClub suas le 48 seachtain roimhe sin.
- (c) Sula nglacfaidh Club páirt i gcomórtas ar bith, íocfar táille chleamhnaithe €20 le haghaidh na bliana leis an gCoiste Contae. Sula nglacfaidh Club páirt i gcomórtas ar bith, íocfar táille chleamhnaithe €20 le haghaidh na bliana leis an gCoiste Contae. Is í an táille iontrála a ghearrfar le haghaidh Craobhchomórtas ná €20 do gach foireann aosaigh agus €8 do gach foireann faoi aois, ach amháin sa chás go ndéantar foráil i bhFodhlíthe Contae i gcomhair suime níos mó.

(4.4) Cleamhnú Club nua

Déanfar iarratas ar chleamhnú Club Nua leis an gCoiste Contae agus síneoidh cúigear ball imeartha déag ar a laghad é ag léiriú go bhfuil siad sásta ballraíocht sa chlub Nua a lorg ach na rialacha ábhartha maidir le Ballraíocht agus Aistrithe arna gcuimsiú sa Treoir Oifigiúil, más cuí, a bheith comhlíonta acu ar dtús. Nuair a bheidh sé sásta gur comhlíonadh an méid réamhluaite, féadfaidh an Coiste Contae an t-iarratas seo ar chleamhnú a fhaomhadh faoi réir cibé téarma agus coinníollacha a mheasfar a bheith iomchuí nó féadfaidh sé an t-iarratas a dhiúltú má bhíonn sé de thuairim an Choiste Contae nach mbeadh an cleamhnú ar mhaithe leis an bpeil agus/nó leis an iománaíocht a chur chun cinn laistigh den Chontae.

(5) RIARACHÁN

(5.1) Comhfhreagras

Tiocfaidh an comhfhreagras oifigiúil ar fad chuig an Ard-Chomhairle agus chuig an gComhairle Chúige i ndáil le cúrsaí Contae agus Club, ach amháin mar a fhoráiltear i Rialacha 7.5 agus 7.6, trí Rúnaí an Choiste Contae, nó má bhíonn sé as láthair, tríd an Leas-Rúnaí (a toghadh ag an gCoinbhinsiún Contae roimhe sin). Ar an gcaoi chéanna, ní mór go dtiocfaidh gach comhfhreagras oifigiúil de chuid an Chlub chuig Coistí Contae nó Coistí Roinne tríd an Rúnaí Club, nó má bhíonn sé as láthair, tríd an Leas-Rúnaí, ar an gcoinníoll gur tugadh fógra oifigiúil roimh ré, i scríbhinn, maidir leis an neamhláithreach, don Rúnaí Contae nó don Rúnaí Roinne, de réir mar is cuí. Síneoidh an Rúnaí Contae nó an Leas-Rúnaí Contae nó an tOifigeach atá i bhfeidhil na foirne Liostaí Oifigiúla na nImreoirí, agus is gá ainm an té sin a ainm a chur in iúl go hoifigiúil roimh ré chuig an gCoiste a bheidh i bhFeighil an Chomórtais.

(5.2) An Ghaeilge

Úsáid na Gaeilge i gCáipéisí Oifigiúla/i gComhfhreagras Oifigiúil

Beidh an méid seo a leanas i nGaeilge sna doiciméid oifigiúla agus i gcomhfhreagras oifigiúil:

- Ainm an Chlub/Choiste a mbeidh ionadaíocht á déanamh thar a cheann (i gcás go bhfuil Club/Coiste bainteach).
- Síniú an tseoltóra, faoi réir Cód 5.3(e).
- Ainm agus seoladh an tseolaí, i gcás ina mbaintear úsáid astu, lena n-áirítear ar chlúdaigh litreach.
- Priontáil agus sínithe ar sheicleabhair agus ar sheiceanna oifigiúla chun táillí a íoc.
- Ainmneacha iomlána na n-imreoirí agus síniú an Rúnaí nó an Leas-Rúnaí, nó an tOifigeach atá i bhfeighil na foirne, agus ní mór ainm an té sin a chur in iúl go hoifigiúil roimh ré chuig an gCoiste a bheidh i bhFeighil an Chomórtais, de réir Cód 5.01 ar an Liosta Oifigiúil imreoirí do chluichí.

Rialófar comhfhreagras agus doiciméid nach mbeidh comhlíontach as ord ach féadfar, faoi réir teorainn ama ar bith arna sainiú leis an Riail nó ag an gCoiste i bhFeighil, iad a chur isteach arís i bhfoirm chomhlíontach.

Eisceachtaí:

- I gcásanna sloinnte neamhghnácha nó i gcásanna go bhfuil níos mó ná cineál amháin de leagan sloinne i nGaeilge, féadfar an leagan Béarla den sloinne a chur leis chun críche aitheanta.
- I gcásanna nach bhfuil leagan Gaeilge d'ainm ann.
- Is féidir le hainmneacha atá luaite i dTuarascálacha na Réiteoirí a bheith i mBéarla.
- I gClár Leictreonach na mBall agus na nImreoirí (Cód 4), féadfaidh na seoltaí a bheith i nGaeilge nó i mBéarla.
- Féadfar Fógraí na gCluichí a bheith i nGaeilge nó i mBéarla nó i nGaeilge agus i mBéarla araon.

(5.3) Cúrsaí Cumarsáide

Modhanna

- (a) Muna bhfuil sé luaite go sonrach in aon chás ar leith, féadfar gach fógra nó aon chumarsáid eile faoi Rialacha an Chumainn (ina n-áirítear Agóidí, Frithagóidí agus Achomhairc), a thabhairt:
- (i) do Bhall:
 - (1) go pearsanta, nó
 - (2) tríd an bpost nó a thabhairt de láimh chuig gnáthsheoladh Baill, nó le ríomhphost chuig aon seoladh cuí ríomhphoist arna fhógairt ag an mBall nó thar ceann an Bhaill chuig an seoltóir nó chuig an gComhairle nó an gCoiste i bhFeighil, nó,
 - (3) trí sheachadadh de láimh, tríd an bpost, nó le ríomhphost chuig an Rúnaí cuí agus aird á tabhairt ar an leibhéal ar a bhfuil sé líomhnaithe gur tharla sárú ar Riail nó ar Chód (mar shampla Rúnaí Club an Bhaill sin, Coiste Contae, Comhairle Chúige srl.). Beidh an Fógra seolta go pearsanta chuig an mBall lena mbaineann.
 - (ii) agus chuig Aonad:
 - (1) go pearsanta chuig an Rúnaí, nó
 - (2) tríd an bpost nó seachadadh de láimh chuig seoladh an Aonaid nó gnáthsheoladh an Rúnaí, nó
 - (3) le ríomhphost chuig seoladh ríomhphoist cuí ar bith arna fhógairt ag an Aonad nó Rúnaí nó thar ceann an Aonaid nó an Rúnaí chuig an seoltóir nó chuig an gComhairle nó an gCoiste i bhFeighil.
- (b) I gcás go seoltar comhfhreagras oifigiúil le ríomhphost chuig nó ó Aonaid/Choistí de chuid an Chumainn nó Oifigigh/Ionadaithe de chuid na nAonad/gCoistí sin ar leithdháileadh seoltaí ríomhphoist orthu i bhfoirm @gaa.ie, beidh úsáid seoltaí den sórt sin éigeantach chun cloí leis na Rialacha agus leis na Cóid lena rialaítear Comhfhreagras agus Cumarsáidí.

Am an tSeachadta

- (c) Mura gcruthaítear a mhalairt chun sástachta na Comhairle nó an Choiste i bhFeighil iomchuí (nó Comhairle nó Coiste Achomhairc de réir mar is cuí), measfar go bhfuarthas fógra dá leithéid nó cumarsáid de chineál éigin eile:
- (i) I gcás go seoltar é tríd an ngnáthphost, ar 10 r.n. ar an dara lá oibre i ndiaidh é a sheoladh;
 - (ii) I gcás gur seachadadh de láimh é, ag am an tseachadta;
 - (iii) I gcás gur seoladh le ríomhphost é, ag am an tarchurtha.

Eisceacht ó (iii): Má bhíonn an tarchur i ndiaidh 9.00i.n. ó Luan go Déardaoin san áireamh, measfar an t-am fála mar 9.00r.n. an mhaidin dar gcionn. Má bhíonn an tarchur le linn an deireadh seachtaine i.e. ó 6.00i.n. ar an Aoine go 12 meán oíche ar an Domhnach, measfar an t-am fála mar 9.00r.n. maidin Dé Luain dar gcionn.

- (iv) I gcás seachadta trí mhodh ar bith chuig ball tríd an Rúnaí cuí, agus nuair atá tionchar ag teorainn ama ar fhreagra ó bhall, glacfar le ham faighte an tseachadta ceithre huair an chloig tar éis don Rúnaí cuí é a fháil, faoi réir an fhorála san eisceacht ó (iii) thuas.

Cruthúnas ar sheachadadh

- (d) I gcás go dtiocfaidh díospóid chun cinn maidir le fíric nó seirbhís fógra nó cumarsáide ar bith le ríomhphost, beidh ar an seoltóir cruthúnas ar tharchur a thabhairt de réir mar is iomchuí leis an gComhairle nó an gCoiste i bhFeighil de réir na gcúinsí cuí.

Sínithe

- (e) I gcás go dteastaíonn síniú ar fhógra nó ar chumarsáid eile, measfar go mbeidh tarchur an fhógra sin nó cumarsáide eile le ríomhphost sínithe go cuí má bhíonn ainm an tseolaí (i nGaeilge nó le haghaidh Fógraí Cluichí i nGaeilge agus/nó i mBéarla) ann agus gur féidir a aithint go dóthanach ó theachtaireacht an ríomhphoist (trí thagairt de sheoladh ríomhphoist an tseoltóra nó ar shlí eile) gur tháinig sé ón duine a airbheartaíonn gurbh é a chuir é.

Táillí agus iatáin eile

- (f) I gcás nach mór airgead nó iatáin ar bith eile a chur le fógra nó cumarsáid, ní bheidh tarchur an fhógra nó cumarsáide eile le ríomhphost neamhbhailí má fhaightear an t-iatán iarbhir laistigh de dhá lá oibre ó tharchur an ríomhphoist.

Tarchur Aonair Ríomhphoist

- (g) I gcás go gcaithfear fógra nó cumarsáid eile, a theastaíonn faoi Riail nó faoi Chód a chur isteach faoi dhó, a chur le ríomhphost, is leor tarchur aonair chun é a chomhlíonadh.

(5.4) Físchomhdháil agus/nó Comhdháil Ghutháin/Cinntí trí Ríomhphost

Tá Físchomhdháil agus/nó Comhdháil Ghutháin ceadaithe ag Coinbhinsiúin, Cruinnithe agus Éisteachtaí (“an Cruinniú”), nuair is iomchuí leis an gCoiste atá i bhFeighil. Féadfaidh ball iarratas a dhéanamh chun leas a bhaint as saoráid dá leithéid nó a bheith i láthair go pearsanta trí iarratas a dhéanamh, i scríbhinn, seacht lá ar a laghad roimh an gCruinniú (nó láithreach, i gcás gur tugadh fógra níos lú ná seacht lá maidir leis an gCruinniú).

Mura gceadaíonn an Coiste i bhFeighil an tsaoráid a iarradh, cuirfear é sin in iúl don iarratasóir, i scríbhinn, trí lá ar a laghad roimh an gCruinniú (nó láithreach, i gcás gur tugadh fógra níos lú ná trí lá maidir leis an gCruinniú).

Measfar go bhfuil Ball a bheidh páirteach i bhFíschomhdháil/Comhdháil Ghutháin “i láthair” ag an gCruinniú. Nuair a mheasfar go bhfuil Físchomhdháil/Comhdháil Ghutháin cuí, soláthróidh an Coiste i bhFeighil na saoráidí lena haghaidh.

Féadfar cinntí a dhéanamh trí ríomhphoist de réir paraiméadar ata leagtha síos ag Ard-Chomhairle, a d’fhéadfadh a bheith athraithe ó am go ham.

(5.5) Costaisí Taistil agus Lóistín

- (a) Íocfaidh an Ard-Chomhairle agus an Chomhairle Chúige as costaisí údaraithe a nOifigeach agus a mBall.
- (b) Íocfar costaisí taistil agus óstán, ar a ndéanfar athbhreithniú bliantúil orthu, leis na foirne a bheidh ag glacadh páirte i gCluichí Ceathrú Ceannais, Cluichí

Leathcheannais agus Cluichí Ceannais na hÉireann. Coinneoidh an Ard-Chomhairle nó an Chomhairle Chúige costaisí na bhfoirne uile siar go dtí go mbeidh na Craobhchomórtais thart.

Féadfaidh Ard-Chomhairle nó Comhairle Chúige, de réir mar is cuí, a mheas go ngéillfidh Contae a chuirfidh foireann neamhdhleathach chun páirce ag Craobhchomórtas Idirchontae costaisí nó deontais taistil agus óstán.

(5.6) Taifid

- (a) Is maoin de chuid Chumann Lúthchleas Gael iad na Taifid a chruthaíonn agus a fhaigheann Cumann Lúthchleas Gael, a bhaill agus na riarthóirí.
- (b) Aistreofar Taifid Chumann Lúthchleas Gael chuig Cartlann aitheanta de chuid CLG de réir cibé treoracha a thabharfaidh an Ard-Chomhairle.

(6) TRÓFAITHE AGUS BOINN

- (6.1) Bronnfar fiche trófaí ar a laghad i gach comórtas 15 an taobh.
Ní thabharfar ainm ar an trófaí as duine beo nó as eagraíocht pholaitiúil nó leathpholaitiúil reatha ar bith.
Ní bhainfear úsáid as trófaí chun críche tráchtála ar bith. Ní líonfar corn/trófaí le deoch alcóil de chineál ar bith.
Pionós: Fionraíocht dhá sheachtain déag - duine aonair nó aonad.
- (6.2) Bronnfaidh an Ard-Chomhairle boinn óir 9 gcarat, ar a mbeidh dearadh an Chumainn, ar bhuaiteoirí Chluichí Ceannais na hÉireann, de na meáchain seo a leanas: Sraith 1 na Sinsear: 10 dwt; Sraitheanna 2, 3, 4 agus 5 na Sinsear, Idirmheánach, na Sóisear agus Faoi bhun 20, 8 dwt; agus na Mionúir, 6 dwt.
Bronnfar trófaithe ar na himreoirí a thiocfaidh sa dara háit i gCraobhchomórtas na hÉireann i ngach grád. Is é seo a leanas líon na mbonn/trófaithe a bhronnfar: Sinsir – suas le 35; Idirmheánach; Sóisir, Faoi bhun 20 agus Mionúir - 24.
Toisc gurb í maoín chláráithe de chuid an Chumainn é dearadh na mbonn Craobhchomórtais, ní mór d'Aonad na foirne buacaí cead a fháil roimh ré ón Ard-Chomhairle más mian leo boinn bhreise den chineál ceannann céanna a cheannach nó a dháileadh.
Bronnfar mionsamhail de Chorn na hÉireann ar Chaptaen gach foirne a bhuafaidh Craobh Idirchontae Shinsear na hÉireann.
- (6.3) Bronnfaidh an Ard-Chomhairle suas le ceithre bhonn óir 9 gcarat is fiche, de mheáchan 8 dwt. agus ar a dtaispeántar armais na gceithre Chúige i gcruan, le lár óir ar bhuaiteoirí Idirchúige na Sinsear (Iomáint agus Peil).
- (6.4) Bronnfaidh Comhairlí Cúige suas le sé bhonn óir is fiche ar bhuaiteoirí Chraobhchomórtais Chúige Iomána agus Peile na Sinsear, agus ceithre bhonn is fiche ar gach buaiteoir eile de chuid na gCraobhchomórtas.
Beidh cineál na nduaiseanna a bhronnfar ar bhuaiteoirí na gCraobhchomórtas Contae de rogha na gCoistí Contae.
- (6.5) Is i nGaeilge a ghreanfar gach bonn agus trófaí oifigiúil.
- (6.6) Déanfar trófaithe comórtas, nó a bpraghas ceannaigh, a thaisceadh le Coistí Contae, leis an gComhairle Chúige, nó leis an Ard-Chomhairle, sula dtosaíonn an comórtas. I gcás go bhfuil an comórtas le haghaidh duaiseanna nó gradaim aonair d'imreoirí, ní bheidh duais nó gradam dá leithéid os cionn €400 i luach. Tá cosc ar dhuaisianna airgid.
- Pionós:** Fionraíocht 24 seachtaine don aonad cur chun cinn agus don Chlub nó do na hImreoirí Rannpháirteacha.
- (6.7) (a) Beidh sé de phribhléid ag captaen na foirne buaití an trófaí a ghlacadh thar ceann na foirne.
(b) Féadfaidh imreoir amháin breise glacadh leis an trófaí in éineacht leis an gcaptaen, má tá siad mar chuid d'fhoireann bhuacach neamhspleách faofa ag Coiste Contae ar chúinsí a bhaineann le hEisceacht (1) (a) nó le hEisceachtaí

maidir le (A), (B), (C), nó (D) de Riail 6.7.

- (c) Beidh coimeád sábháilte an trófaí faoi fhreagracht Choiste Contae (Idirchontae), nó Fheidhmeannacht Chlub (Comórtas Club) na foirne a n-éireoidh léi.
- (d) Cuirfear trófaithe na hArd-Chomhairle ar ais chuig an Ard-Chomhairle faoi na dátaí seo a leanas: Sraitheanna Náisiúnta, Idirchúige agus Idirclub - 1 Feabhra. Craobhchomórtas Idirchontae - 1 Iúil.

Píonós: maidir le Roinn (c) - Fíneáil de €1,000.

(7) ÁRACHAS / CISTE GORTUITHE NA nIMREOIRÍ

(7.1) Ciste Gortuithe na nImreoirí

Féadfaidh an Ard-Chomhairle socruithe a dhéanamh i leith Chiste Gortuithe na nImreoirí a sholáthar do bhaill imeartha chláraithe de chuid aonaid chleamhnaithe an Chumann taobh istigh d'Éirinn agus den Bhreatain. Riarfar an Ciste de réir théarmaí agus choinníollacha an Chiste de réir mar a chinnfear ó am go chéile.

Ní bheidh cead ag foireann páirt a ghlacadh i gcomórtas nó cluiche ar bith ar aon chor faoi dhlínse an Chumann mura gcomhlíonann siad téarmaí agus coinníollacha an Chiste Gortuithe.

Mura gcomhlíontar cluiche mar thoradh ar neamhchomhlíonadh forghéillfear an cluiche. Má fhaightear, i ndiaidh imscrúdú ag an Ard-Chomhairle, go ndearna duine nó aonad ar bith de chuid an Chumann éileamh bréagach, nó gur chuidigh siad le héileamh bréagach a dhéanamh, faoin gCiste, measfar gur tharraing siad míchlú ar an gCumann agus gearrfar pionóis arna leagan amach i Riail 7.2(e) orthu.

(7.2) Árachas Maoine agus Dlíteanais

Déanfaidh an Ard-Chomhairle Árachas Maoine agus Dlíteanais, chomh maith le cibé cumhdaigh árachais bhreise a d'fhéadfadh a bheith riachtanach agus ar fáil, a sholáthar agus a riar go lárnach d'aonaid chleamhnaithe de chuid an Chumann in Éirinn agus sa Bhreatain, agus féachfaidh sí leis na préimheanna árachais ábhartha a roinnt agus a bhailiú go cothrom i measc na n-aonad sin, a mhéid is féidir.

(8) RIACHTANAIS MAIDIR LE BALLRAÍOCHT IMEARTHA

(8.1) Ní mór d'imreoir a bheith ina Bhall Iomlán, ina Bhall Vótála Faoi Aois nó ina Bhall Faoi Aois cláraithe de Chlub nó den Chumann.

(8.2) Ní bheidh imreoir ina bhall de Chlub nach bhfuil sé incháilithe le himirt ann.

(8.3) Calaoisí agus Pionóis:

- a. Imirt le Club nach bhfuil duine incháilithe le himirt ann laistigh de Chontae (ina bhfuil duine cáilithe le himirt ann) de réir Rialach, Cóid nó Fodhlí.

Imreoir – Fionraíocht de 12 sheachtain;

Cathaoirleach agus Rúnaí an Chlub – Fionraíocht de 12 sheachtain;

Foireann:

- i. Ar agóid chruthaithe - Cluiche le bronnadh ar an bhFoireann Eile,
- ii. Ar fhiosrú arna dhéanamh ag an gCoiste i bhFeighil - An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

- b. Imirt le Club nach bhfuil duine incháilithe le himirt ann taobh amuigh de Chontae (ina bhfuil duine cáilithe le himirt ann) de réir Rialach, Cóid nó Fodhlí.

Imreoir – Fionraíocht 48 seachtaine;

Cathaoirleach agus Rúnaí an Chlub – Fionraíocht 48 seachtaine;

Foireann: mar atá thuasluaite.

- c. Imirt le Club nach bhfuil duine incháilithe le himirt ann de réir Rialach, Cóid nó Fodhlí:

Imreoir – Fionraíocht 48 seachtaine;

Cathaoirleach agus Rúnaí an Chlub – Fionraíocht 48 seachtaine;

Foireann – Mar atá luaite i (i) agus (ii) thuas.

(9) AG IMIRT I S.A.M./CEANADA/ASTRALÁISE

(9.1) Teastaíonn Údarú deireadh seachtaine ó imreoir ar bith a bhfuil sé beartaithe aige cuidiú le Club i gcluiche faoi dhlínse Bhord Nua-Eabhrac. Leis an Údarú Oifigiúil, teastaíonn síniú, i ndúbláil, Rúnaí Club Baile an imreora agus an Rúnaí Contae, agus ní mór é a chur i láthair lena shíniú ag an Ard-Stiúrthóir (nó duine ainmnithe eile) i bPáirc an Chrócaigh roimhe 4 p.m. ar an gCéadaoin roimh an gcluiche.

Beidh Údarú bailí ar feadh an deireadh seachtaine amháin seachas sa chás go mbeadh athimirt ag teastáil sa chluiche dár deonaíodh an cead.

Is é líon uasta na n-imreoirí údaráithe a chuideoidh le Club ag deireadh seachtaine ná beirt sa Pheil agus triúr san Iománaíocht.

(9.2) (a) Imreoir a bhfuil sé beartaithe aige imirt ar bhonn téarma níos faide sa cheantar atá á rialú ag Bord Nua-Eabhrac nó ag Bord Cheanada - ní mór dó Ceadú Oifigiúil i ndúbláil a fháil, a bheidh sínithe ag Rúnaí a Chlub, ag an Rúnaí Contae agus ag an Ard-Stiúrthóir (nó duine ainmnithe eile).

(b) Imreoir a bhfuil sé beartaithe aige imirt ar bhonn téarma níos faide sa cheantar atá á rialú agus Bord CLG SAM ní mór dó Ceadú Oifigiúil nó Ceadú Oifigiúil J1 i ndúblach a fháil, a bheidh sínithe ag Rúnaí a Chlub, ag an Rúnaí Contae agus ag an Ard-Stiúrthóir (nó duine ainmnithe eile).

Imreoir a cuireadh ar liosta do Chraobhchomórtas Idirchontae na Sinsear a cuireadh isteach chuig an Réiteoir, de réir Rialacha Shonraíocht 2.5 (ii)(a) le haghaidh cluiche i gCraobhchomórtas na bliana reatha ní bheidh sé i dteideal go nglacfar é lena Chlárú mar bhall Club ar bith i nDlínse Bhord CLG SAM.

Eisceacht: Imreoir a cuireadh ar liosta do Chraobhchomórtas Idirchontae na Sinsear a cuireadh isteach chuig an Réiteoir de réir Rialacha Shonraíocht 2.5 (ii)(a) le haghaidh cluiche i gCraobhchomórtas na bliana reatha, ag a bhfuil Víosá reatha bailí J1 nó a chomhlíonann na ceanglais incháilitheachta chun Víosá J1 a fháil, agus a fhaigheann Ceadú Oifigiúil J1 i ndúbláil, a bheidh sínithe ag Rúnaí a Chlub, ag an Rúnaí Contae agus ag an Ard-Stiúrthóir (nó duine ainmnithe eile), féadfar é a ghlacadh lena chlárú mar bhall. Ní cheadófar Ceadú J1 imreora dá leithéid a fhaomhadh ach amháin nuair a chuirfear a fhoireann as an gCraobhchomórtas Idirchontae, lena n-áirítear cluichí Cáilithe na hÉireann. Is é an Víosá J1 a bhaineann leis an Eisceacht seo ná an Víosá J1 do Chlár Oibre agus Taistil amháin – i.e. an Víosá ceithre mhí do Mhic Léinn 3ú Leibhéal.

- (c) Le Ceadú beidh imreoir i dteideal imirt le club i gceantair Bhord Nua-Eabhrac, Cheanada nó CLG SAM ó 1 Márta go dtí deireadh Dheireadh Fómhair i mbliain amháin ar bith.
- (d) Ní thabharfar ceadú i ndiaidh 1 Iúil d'imreoirí a bhfuil sé beartaithe acu imirt i gceantair Bhord Cheanada nó CLG SAM, nó i ndiaidh 20 Iúil d'imreoirí a bhfuil sé beartaithe acu imirt i gceantar Bhord Nua-Eabhrac.
- (e) Imreoir a bheidh Ceadú faighte aige ní bheidh sé i dteideal imirt lena Chlub Féin in Éirinn (seachas i gcúinsí eisceachtúla a chinneadh an Ard-Chomhairle ó am go chéile) ar feadh na 60 lá i ndiaidh an dáta ar a bhfaomhfar an Ceadú i bPáirc an Chrócaigh nó féadfaidh imreoir den sórt sin filleadh ar imirt dá Chlub Féin a luaithe a bheidh foireann an imreora curtha as a gCraobh Rannach de chuid CLG SAM nó as Cluichí Ceannais Mheiriceá Thuaidh de chuid CLG SAM, ach beidh sé

incháilithe le himirt lena Chontae Féin.

- (f) Imreoir Ceadaithe a fhilleann ar Éirinn agus a imríonn lena Chlub Féin ní fhéadfaidh sé filladh ina dhiaidh sin le tosú ag imirt arís i Meiriceá nó i gCeanada sa bhliain chéanna.
- (g) Is é seo a leanas líon na nImreoirí Ceadaithe a bheidh ceadaithe do Chlub ar bith i gceantar Bhord CLG SAM:
 - (i) Club ag a bhfuil foireann amháin – uasmhéid de dheichniúr.
Eisceacht: Féadfaidh Club Iomána Sinsear ag a bhfuil foireann amháin dáréag imreoirí a bheith aige.
 - (ii) Club ag a bhfuil an dara Foireann - ochtar eile, teoranta do ghrád na dara foire.

Lena chois sin, féadfaidh Club leas a bhaint as seirbhísí Imreoirí ag a bhfuil Víosá bailí reatha J1, chomh maith le Ceadú J1 ar leith. I gcás Cheantar Bhord Ceanada, is é deichniúr imreoirí an líon uasta Imreoirí Ceadaithe in aghaidh an chlub. I gcás Nua-Eabhrac, is é seisear imreoirí an líon uasta Imreoirí Ceadaithe in aghaidh an chlub.
- (h) Beidh an stádas céanna ag na himreoirí Ceadaithe ar fad, beag beann ar uair a thaistealóidh siad.
- (i) Ní fhéadfaidh imreoir a fuair a Ceadú, imirt le Club i Sasana, nó san Eoraip, sa bhliain chéanna.
- (j) Ní fhéadfaidh imreoir ach Ceadú amháin a fháil i mBliain Féilire ar bith.

(9.3) Níl Údaruithe agus Ceaduithe, mar atá luaite in (a) agus (b) thuas, ar fáil ach do na catagóirí imreoirí seo a leanas:

- (a) Ball imeartha reatha de chuid Club in Éirinn.

Eisceacht:

Imreoir a fhaigheann Aistriú Idirchontae ó Chlub sa Bhreatain go Club in Éirinn ní bheidh sé i dteideal Údarú nó Ceadú a fháil laistigh de cheithre seachtaine is fiche ón dáta ar tugadh an t-aistriú sin.

- (b) Ball imeartha reatha de chuid Club sa Bhreatain, i gcás go bhfuil a Chéad Chlub, arna shainiú i Riall 6.2, sa Bhreatain.
Seachas sin, níl baill imeartha de chuid Clubanna sa Bhreatain i dteideal Údaruithe nó Ceaduithe.

(9.4) (a) Imreoir a fhanann i gceantair Bhoird CLG SAM nó Ceanada ar bhonn buan (i.e. níos faide ná Séasúr Imeartha amháin) beidh sé i dteideal aistriú Idirchontae a fháil.

Lóisteálfar iarratais ar aistriú den chineál sin i bPáirc an Chrócaigh faoi 31 Márta i mbliain ar bith.

- (b) I gcás imreora a bhogann ar bhonn buan go dtí an Ceantar faoi dhlínse Bhord Nua-Eabhrac nó Bhord na Astraláise, beidh aistriú riachtanach. Measfar gur bhog imreoir ar bhonn buan i ndiaidh dó bheith sa dlínse nua ar feadh ceithre seachtaine ar a laghad.

(9.5) Féadfar iarratas ar Údarú nó ar Cheadú a dhéanamh 'ar líne'.

Pionóis:

Aonad a sháraíonn a chuóta Ceaduithe, mar a shonraítear i (g)(i) agus (ii) thuas géillfidh sé a theidlíocht i leith imreoirí Ceadaithe an bhliain ina dhiaidh sin.

Maidir le sáruithe eile ar an gCód seo - 24 seachtain.

(10) INCHÁILITHEACT DO CRAOBHCHOMÓRTAS/GRÁDUITHE

(10.1) Sinsir

Faoi na Sriannta atá leagtha amach i Riail 6.11, tá gach imreoir i dteideal páirt a ghlacadh i nGrád Sinsear Idirchontae agus Idirclub.

(10.2) Idir-Chlub Idirmheánach

Faoi na Sriannta atá leagtha amach i Riail 6.11, tá gach imreoir i dteideal páirt a ghlacadh i nGrád Idir-Chlub Idirmheánach seachas:

- a. Iad siúd atá grádaithe faoi láthair mar stádas Chraobh Shinsear Club sa Chód.
- b. Iad siúd atá eisiata ón stádas Idirmheánach le Fodhlí Contae, de bharr gur imir siad ar an bhfoireann bhuaiteach i gCraobhchluiche Ceannais Sinsear nó Idirmheánach an Chontae sa bhliain roimhe sin.

(10.3) Idir-Chlub Sóisear

Faoi réir ag na Sriannta atá leagtha amach i Riail 6.11, tá gach imreoir i dteideal páirt a ghlacadh i nGrád Idir-Chlub Sóisear seachas:

- (a) Iad siúd atá grádaithe faoi láthair mar stádas Chraobh Sinsear nó Idirmheánach Club sa Chód.
- (b) Iad siúd atá eisiata ón stádas Sóisear le Fodhlí Contae, de bharr gur imir siad ar an bhfoireann bhuaiteach i gCraobhchluiche Ceannais Sinsear, Idirmheánach nó Sóisear an Chontae sa bhliain roimhe sin.

Pionóis:

Imreoir – Fionraíocht 12.

Cathaoirleach agus Rúnaí Club – Fionraíocht 12 seachtain.

Foireann – Ar agóid atá cruthaithe – An cluiche a bhronnadh ar an bhFoireann Eile.

Ar fhiosrú arna dhéanamh ag an gCoiste i bhFeighil – An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

(10.4) Iomáint Idirmheánach Idirchontae

Faoi réir ag na Sriannta Aoise atá leagtha amach i Riail 6.11, tá gach imreoir i dteideal páirt a ghlacadh sa Chraobhchomórtas Idirmheánach Idirchontae Iomána seachas:

- (a) Iad siúd a d'imir ar fhoireann Chraoibhe Iomána Idirchontae sa bhliain chraoibhe reatha nó sa bhliain roimhe sin.
- (b) Iad siúd a d'imir ar Fhoireann Shinsear a gClub Féin sa Chraobhchomórtas Contae, Cúige nó Uile-Éireann an bhliain roimhe sin.

Eisceachtaí:

(i) Níl feidhm aige sin maidir le Contae a bhfuil cead faighte aige ón Ard-Chomhairle an dara Foireann is fearr a imirt.

(ii) Imreoir nár ghlac páirt ach mar ionadaí sealadach, de réir mar a fhoráiltear i Riail 1.5(b), Rialacha Rialaithe, T.O. Cuid 2, i gcluiche Craobhchomórtais agus nach raibh, dá bharr sin, tar éis a stádas Craobhchomórtais níos ísle a chailleadh i gcomhréir le sé i dteideal páirt a ghlacadh ar Fhoireann Iomána.

- (c) Iad siúd a d'imir ar an bhfoireann a bhuaigh Cluiche Ceannais Chraobh Idirmheánach na hÉireann sa bhliain roimhe sin.

Pionóis:

Imreoir - Fionraíocht 12 seachtain.

Foireann – Ar agóid atá cruthaithe – An cluiche a bhronnadh ar an bhFoireann Eile.

Ar fhiosrú arna dhéanamh ag an gCoiste i bhFeighil – An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

(10.5) Peil Shóisear Idirchontae

Is faoin Lárchoiste Rialaithe Comórtas atá sé cinneadh a dhéanamh maidir le cúrsaí incháilitheachta agus le faomhadh ag an Ard-Chomhairle.

Pionóis:

Imreoir - Fionraíocht 12 seachtain.

Foireann - Ar agóid atá cruthaithe – An cluiche a bhronnadh ar an bhFoireann Eile.

Ar fhiosrú arna dhéanamh ag an gCoiste i bhFeighil – An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

(10.6) Sriantha ar Rannpháirtíocht Contae

Féadfaidh Contae páirt a ghlacadh i gCraobhchomórtas Sinsear (Sraith 1) agus Idirmheánach na hÉireann san Iománaíocht. Seachas sin, glacfaidh Contae páirt i Sraith amháin - Sraith 2, 3, 4 nó 5 de Chraobhchomórtais Shinsear Iomána na hÉireann.

Ní fhéadfaidh Contae ach Foireann amháin a chur isteach in aon Ghrád Craobhchomórtais ceadaithe, seachas sa chás go dtugann an Ard-Chomhairle cead Foireann nó Foirne breise a chur isteach chun críocha forbartha.

(10.7) Stádas Craobhchomórtas Club agus Sraithe Imreoirí

Déantar Imreoir a ghrádú de réir a Stádais Chraobhchomórtais mar shampla, má imríonn imreoir i gcluiche de chuid Chraobh na Sinsear, grádaítear é mar imreoir Sinsear go dtí go ndéantar athghrádú ar an imreoir, ach ní féidir athghrádú a dhéanamh ar an imreoir le linn na bliana Craobhchomórtais sin.

Eisceacht:

Féadfaidh Contae, trína Fhodhlíthe, foráil a dhéanamh maidir le himreoir a athghrádú le linn na bliana Craobhchomórtais sin, faoi réir aon treoirlínte arna n-eisiúint ag an Ard-Chomhairle.

Le rannpháirtíocht i gCraobhchomórtas Club Cúige agus/nó Uile-Éireann, seachas faoi mar a cheadaítear i Riail 6.7, Eisceacht (2), grádaítear Imreoir trí stádas ábhartha an Chraobhchomórtais sin.

Ní imreoidh imreoir as sin amach i gComórtas na bliana reatha (Craobhchomórtas, Cluiche Réitigh Íslíú Céime, Sraith etc.) de ghrád níos ísle ná grád a stádais Chraobhchomórtais Reatha.

Ní chaillfidh Imreoir a stádas Craobhchomórtais reatha trí:

- (a) Imirt i gCraobhchomórtas Sinsear nó Idirmheánach ar fhoireann Roinne nó Grúpa Sinsear nó Idirmheánach.
- (b) Imirt ar fhoireann Club Coláiste i gCraobhchomórtas na Sinsear, mar a cheadaítear i Riail 6.7, Eisceacht (2).

- (c) Rannpháirtíocht mar Ionadaí Sealadach, mar a fhoráiltear i Riail 1.5 (b) Rialacha um Rialú, i gCluiche Craobhche de ghrád níos airde ná stádas Craobhchomórtais reatha an imreora.
- (d) Imirt i gCraobhchomórtas gráid níos airde, i gceantair Bhoird CLG SAM, Nua-Eabhrac, Cheanada nó na hEorpa faoi Riail 6.7, Eisceacht (3).

Pionóis:

Imreoir – Fionraíocht 12 seachtain.

Foireann - Ar agóid atá cruthaithe – An cluiche a bhronnadh ar an bhFoireann Eile.

Ar fhiosrú arna dhéanamh ag an gCoiste i bhFeighil - An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

(10.8) Grádú Clubanna agus Imreoirí

Rialóidh Coiste Contae Grádú Clubanna agus Imreoirí, le Fodhlí Contae, lena leagtar síos na critéir um Athghrádú (e.g. uainiú) nach dtiocfaidh salach ar Riail nó ar Chód Ginearálta. Beidh Grádú Clubanna faoi réir Riail 3.28 (j). Tarmligfidh Coiste Contae an fhreagracht as déileáil le hiarratais ar Athghrádú dá Choiste Rialaithe Comórtas faoi réir an mhéid seo a leanas:

- (a) Coimeádfaidh an Coiste Contae an ceart an cinneadh deiridh a dhéanamh maidir le hiarratas ar Athghrádú ó Chlub.
- (b) Imreoir a bheidh míshásta faoi chinneadh ar a iarratas ar Athghrádú beidh an ceart aige achomharc a dhéanamh chun an Choiste Contae um Éisteachtaí a bheidh a chinneadh críochnaitheach. Déanfar an t-achomharc laistigh de thrí lá oibre ón bhfógra faoin gcinneadh a fháil, sonrófar na forais ann ar a ndearnadh an t-achomharc agus beidh sé sínithe ag an imreoir achomharcach. Ní bheidh foirmiúlachtaí eile maidir le hAchomharc a chur isteach (e.g. cóip dhúblach, táille a sholáthar) arna léiriú i Riail 7.5 (f) go (i), i bhfeidhm i gcásanna mar seo. Beidh gach cuid ábhartha eile de Riail 7.5 i bhfeidhm. Ní fhéadfar achomharc a sheasamh ach ar bhonn na bhforálacha a leagtar amach i Riail 7.5(o).

Féadfaidh Coiste Contae, ina Fhodhlí, cead a thabhairt chun Imreoir a athghrádú níos mó ná leibhéal amháin le linn Bliana Craobhchomórtais, ar an gcoinníoll:

- (1) Nár imir an t-imreoir i nGrád Craobhchomórtais níos airde sa Bhliain Chraobhchomórtais sin.

Eisceacht:

Féadfaidh Contae, ina Fhodhlí, cead a thabhairt chun Imreoir a athghrádú le linn na Bliana Craobhchomórtais sin faoi réir aon treoirlínte arna n-eisiúint ag an Ard-Chomhairle.

agus

- (2) nach ndéanfar é a athghrádú níos mó ná leibhéal amháin ar iarratas aonair i.e. óna stádas Craobhchomórtais reatha go dtí an chéad Leibhéal Craobhchomórtais níos ísle ina bhfuil Club an imreora páirteach tráth an iarratais. Imreoir a ghlacann ballraíocht, trí aistriú, i gClub a bhfuil an stádas is airde níos ísle ná stádas Craobhchomórtais reatha an Imreora, déanfar é a athghrádú go huathoibríoch chuig stádas Craobhchomórtais is airde an Chlub sin.

(11) CRAOBHCHOMÓRTAIS CLUBANNA – CONTAE/CÚIGE/UILE-ÉIREANN

(11.1) Craobhchomórtais Contae

- a. Eagróidh Coiste Contae a Chraobhchomórtais ar bhonn Díbeartha, Sraithe nó Comhcheangal Sraithe agus Díbeartha.
- b. Is é 16 an líon uasta foirne a fhéadfaidh páirt a ghlacadh i gCraobhchomórtas Contae do Dhaoine Fásta.

Eisceacht:

- (1) I gContaetha ina gceadaítear d'fhoirne Rannacha agus/nó d'fhoirne Ardoideachais Choláiste páirt a ghlacadh i gCraobhchomórtas Sinsear an Chontae, féadfar comórtas réamhcháilithe ar leith a eagrú do líon sonraithe de 'na foirne sin' le páirt a ghlacadh i gCraobhchomórtas an Chontae ina mbeidh 16 fhoireann.
- (2) Craobhchomórtais Chontae ag grád sóisear nó níos ísle.
- c. Féadfar Contae a roinnt ina cheantair do na Comórtais sin.
- d. Dréachtóidh agus faomhfaidh an Coiste i bhFeighil gach Rialachán eile lena rialaítear Eagrú Craobhchomórtais, sula dtosaíonn sé.
Nuair a ghlacfar Rialachán fanfaidh sé i bhfeidhm mura n-athraíonn nó mura scriosann tromlach simplí díobh siúd a bheidh i láthair, a bheidh i dteideal vóta a chaitheamh agus a bheidh ag vótáil.
Ar bhonn bliantúil amháin a bhreathnófar ar athruithe.
- e. Má tá Craobhchomórtas á eagrú i bpáirt ar bhonn Sraithe, beidh na Rialacháin seo a leanas i bhfeidhm:
 - i. Tabharfar torthaí sraithe mar seo a leanas: 2 phointe le haghaidh bua, agus pointe amháin le haghaidh comhscóir.
 - ii. Má Dhícháileofar Foireann nó má Scoireann Foireann le linn na Sraithe, seasfaidh na Cluichí a d'imir an Fhoireann agus bronnfar na Cluichí nár imir an Fhoireann ar na Foirne atá fós le himirt ina gcoinne.
 - iii. Féadfaidh Coiste Contae rialacháin a dhéanamh lena leagtar amach na critéir chun foirne a chríochnaíonn le pointí comhionanna a rangú. Mura ndéantar amhlaidh, déanfar ord na bhfoirne a chinneadh trí na critéir seo a leanas a chur i bhfeidhm san ord sonraithe:
 1. An líon is airde Pointí Sraithe a fuarthas sna cluichí 'Ceann ar Cheann', is é sin, na cluichí inar imir na foirne atá ar an líon céanna pointí in aghaidh a chéile.
 2. An Difríocht Scórála is airde (iomlán na Scór i gCoinne a dhealú as Iomlán na Scór ar Son) sna cluichí 'Ceann ar Cheann'.
 3. An Scór Iomlán ar Son is Airde sna cluichí 'Ceann ar Cheann'.
 4. Má bhíonn foirne fós cothrom tar éis na critéir (i) go (iii) go huile a chur san áireamh, cuirfear critéir (i) go (iii) i bhfeidhm ar na cluichí 'Ceann ar Cheann' idir na foirne atá fós cothrom.
 5. An Difríocht Scórála is airde sna cluichí uile i nGrúpa na Sraithe.
 6. An líon is airde Scóranna Ar Son sna cluichí uile i nGrúpa na Sraithe.
 7. Cluiche Réitigh.

Cluichí ar Bronnadh Bua Gan Scór Iontu (e.g. bua gan imirt) a bhfuil baint ag foirne atá cothrom leo.

Cuirfear ‘Meánlíon Scóranna ar Son’ agus ‘Meánlíon Scóranna i gCoinne’ (sna cluichí ‘Ceann ar Cheann’ nó sa Ghrúpa Uile de réir mar is cuí) ó na cluichí a d’imir na foirne sin le hiomlán na ‘Scóranna ar Son’ agus na ‘Scóranna i gCoinne’. **An Fhoireann ar Bronnadh an Cluiche Ina hAghaidh** Cuirfear nialas lena ‘Scór Ar Son’. Cuirfear a ‘Meánscór in Aghaidh’ (sna cluichí ‘Ceann ar Cheann’ nó sa Ghrúpa Uile de réir mar is cuí) a géilleadh i gcluichí a imríodh, lena ‘Scór in Aghaidh’ iomlán.

Eisceacht do (iii): Beidh Cluiche Réitigh mar réiteach ar fhoirne a bheith cothrom i gComórtais Aoisghrúpa Faoi 17 mbliana d’aois agus níos óige, mura bhforáiltear a mhalairt i Rialacháin Chomórtais an Chontae.

- f. Ní rachaidh Dícháiliú i bhfeidhm ach ar thuilleadh rannpháirtíochta sa Chraobhchomórtas reatha lena mbaineann amháin agus ní ar Chraobhchomórtas na bliana dár gcionn nó ar Cháiliú dó. I gcomhthéacs Dícháilithe, i bPróiseas Ardaithe Céime nó Íslithe Céime ar bith, coimeádfaidh Foireann na pointí a bheidh buaite aici i gCéim den Chraobhchomórtas a bheidh á reáchtáil ar Bhonn Sraithe.

(11.2) Infhaighteacht Imreoirí Idirchontae do Chlubanna

Beidh imreoirí nach bhfuil áirithe i bPainéal Sinsear Idirchontae de 26 imreoir ar fáil dá gClubanna nuair a imrítear cluichí sa tSraith Náisiúnta agus i gcluichí Craobhchomórtais Sinsear ar an deireadh seachtaine.

Pionós: Forghéillfidh Contae a Ionad Baile dá chéad ‘Chluiche Baile’ eile sa tSraith Náisiúnta faoi seach.

(11.3) Fógra le haghaidh Cluichí Craoibhe

Tabharfar fógra maidir le Cluichí Craoibhe Clubanna mar seo a leanas: Cluichí Craoibhe Aosach, lena n-áirítear Faoi bhun 20/21 - cúig lá (120 uair); Gráid eile Chraobhchomórtais - de réir na bhFodhlíthe Contae nó Rialacháin Chontae lena rialaítear na Craobhchomórtais, ach ní bheidh sé níos lú ná ceithre lá (96 huaire); Athimirtí agus Cluichí Atheagraithe - ceithre lá (96 huaire).

Beidh an fógra maidir le cluichí bunaidh i scríbhinn, ach ní gá go mbeadh fógra maidir le hathimirtí/cluichí atheagraithe i scríbhinn.

(11.4) Dícháiliú

Beidh na Pionóis as Teip ar Chlub/Aonad Cluiche Craoibhe a chomhlíonadh mar seo a leanas:

- (a) I gCluiche ‘Díbeartha’ - Dícháileofar Club ón gCraobhchomórtas agus Bronnfar an Cluiche ar an bhFoireann Eile.
- (b) I ‘gCéim Sraithe’ Chraobhchomórtais –
 - (i) Ar an gCéad Teip - Bronnfar an Cluiche ar an bhFoireann eile, ach gan Dícháiliú, faoi réir an choinníll thíos.
Má bhíonn sé de thuairim an Choiste i bhFeighil, gur bhain an teip ar chur chun páirce le cuspóir rúnda, a chuaigh i gcion ar staid (staideanna) Club (Clubanna) eile, féadfar an Club mainneachtana, faoi rogha an Choiste, a dhícháiliú ón gCraobhchomórtas.
 - (ii) Ar an Dara Teip - Dícháileofar Club ón gCraobhchomórtas agus Bronnfar an Cluiche ar an bhFoireann Eile.
- (c) Tabharfar ar Chlub/Aonad Fíneáil ar bith a fhorchuirfí as cailteanas ioncaim

ar bith ag an gCoiste i bhFeighil agus na costaisí dearbhaithe réasúnta uile a thabhoífaí a íoc, agus mura ndéantar é sin gearrfar Fionraíocht ocht seachtaine is daichead.

- (d) Má theipeann ar Chlub fógra soiléir dhá lá a thabhairt, i scríbhinn, dá rún gan Cluiche Craoibhe a chomhlíonadh beidh sé faoi dhliteanas Fionraíocht 24 seachtain.
- (e) Cloífeair leis na Nósanna Imeachta atá sonraithe i Riail 7.3.

(11.5) Cúrsaí Eagrúcháin (Cúige agus Uile-Éireann)

- (a) Eagrófar Craobhchomórtas Club Cúige agus Uile-Éireann i nGráid Sinsear, Idirmheánach agus Sóisear. Beidh feidhm ag na Rialacha Incháilitheachta seo a leanas:
 - (i) Ní ghlacfaidh Foireann Roinne nó Ghrúpa a bhuann Craobhchomórtas Contae páirt ann.
 - (ii) Beidh na Gráid Idirmheánacha agus Shóisear teoranta do Chlubanna arb é a ngrád is airde faoi seach Idirmheánach nó Sóisear ach amháin i gcúinsí ina mbeidh Club ainmnithe ag Coiste Contae, ó mholadh ó Choiste Rialaithe Comórtas na Comhairle Cúige, agus go dtabharfaidh an Lárchoiste Rialaithe Comórtas cead roimhe ré don Chlub sin páirt a ghlacadh i gCraobhchomórtais Club Cúige agus na hÉireann i ngrád níos ísle ná a stádas gráid laistigh dá Chontae.

Má bhíonn foireann bhuaiteach Craobhchomórtais Chontae neamh-incháilithe mar thoradh ar (i) nó (ii) thuas nó neamh-incháilithe mar mhalairt air sin de bharr Díbharraithe, Fionraíochta nó mar thoradh ar Ghníomh Smachtaithe ar bith ar chor ar bith, ainmneoidh an Coiste Contae lena mbaineann Club incháilithe den stádas Craobhchomórtais cuí chun ionadaíocht a dhéanamh ar a shon.

Ar an gcaoi chéanna, i gcás nach gcríochnaítear Craobhchomórtas Contae ach nach bhfuil ach foireann amháin fágtha sa chraobhchomórtas sin atá i dteideal páirt a ghlacadh sa Chraobhchomórtas Cúige, ainmneoidh an Coiste Contae an Club sin chun ionadaíocht a dhéanamh ar a shon.

Níl ainmniúcháin ceadaithe i gcúinsí ar bith eile.

Seachas mar a fhoráiltear thuas, i gcás nach gcríochnaítear Craobhchomórtas Contae nó Cúige, leanfar le Craobhchomórtas Cúige nó na hÉireann faoi seach gan ionadaí de chuid an Chontae nó an Chúige lena mbaineann.

Is ionann Céimeanna Contae, Cúige agus Uile-Éireann na gCraobhchomórtas Club Sinsear, Idirmheánach agus Sóisear sa Pheil agus san Iománaíocht agus an Comórtas céanna.

- (b) I gcás go mbuann Club Féin agus Club Coláiste an imreora a gCraobhchomórtas Contae faoi seach sa ghrád céanna, ní bheidh an t-imreoir i dteideal imirt ach lena Chlub Féin amháin sa Chraobhchomórtas Cúige nó Uile-Éireann sa ghrád sin. I gcás go mbuann Club Féin agus Club Coláiste an imreora na Craobhchomórtais Chontae i dhá ghrád éagsúla, beidh an t-imreoir i dteideal imirt leis an dá Chlub sa Chraobhchomórtas Cúige nó Uile-Éireann ina ngráid faoi seach.

(11.6) Páirtí Foirne – Club Cúige/Uile-Éireann

Páirtí Foirne a bheidh páirt á glacadh aige i gCraobhchomórtas Club Cúige nó Uile-Éireann, ní bheidh níos mó ná tríocha imreoir ann.

(11.7) Aoisghráid faoi bhun 13 agus níos Óige

Eagrófar cluichí sna haoisghráid Faoi bhun 11 agus níos óige ar shamhail na 'Go Games', faoi mar a cheadóidh an Ard-Chomhairle. Eagrófar cluichí sna haoisghráid Faoi bhun 12 agus Faoi bhun 13 ar bhonn sraithe, faoi mar a cheadóidh an Ard-Chomhairle.

(11.8) Uimhriú na nImreoirí

Beidh imreoirí uimhrithe go cuí ó 1 go 24 i gCluichí Craobhchomórtais Idirchontae.

Pionós: Fíneáil €500.

Beidh na huimhreacha ar chúil, agus i bhformáid bheag chomh maith, ar aghaidh na ngeansaithe.

Eisceacht: I gcluichí Idirchontae Sinsear, beidh na himreoirí uimhrithe go cuí ó uimhir a haon go dtí uimhir nach mbeidh os cionn fiche a sé.

(11.9) Páirtí Foirne/Roghnúcháin

- (a) Beidh páirtí foirne Contae comhdhéanta de líon nach mó ná ceathrar imreoirí is fiche agus cúigear oifigeach de chuid an Choiste Contae.

Eisceacht:

Is féidir le Páirtí Foirne Idirchontae Sinsear suas le, ach ní níos mó ná seisear imreoirí is fiche a bheith acu.

- (b) I gCluichí Leathcheannais na hÉireann agus Cluichí Ceannais na hÉireann ní mór áit na bhfoirne a thabhairt don Ard-Stiúrthóir sé lá ar a laghad roimh an gcluiche.

Pionós le haghaidh (b): Fíneáil €500.

(11.10) Dathanna na gContaetha

Cláróidh gach Contae Dathanna sainiúla a Chontae gach bliain leis an Ard-Chomhairle. Cláróidh na Contaetha a ndathanna malartacha nó comhcheangal malartach dá ndathanna chomh maith..

Pionós: Fíneáil €500.

(12) RIAR NA gCRAOBHCHOMÓRTAS IDIRCHONTAE

(12.1) Clárú imreoirí idirchontae mionúr/faoi bhun 20

- Soláthróidh na himreoirí uile Mionúir agus Faoi bhun 20 Teastas Paróisteach fíordheimhnithe Aoise, ar fhoirm chaighdeánach, nó Teastas Sibhialta Breithe do Rúnaí an Chontae.
Cúig lá ar a laghad roimh chluiche tosaigh craobhchomórtais Chontae, cuirfidh Rúnaí an Chontae Clár dúblach de na himreoirí ar aghaidh chuig an Rúnaí Cúige ina leagfar amach, i nGaeilge, ainm, club, dáta agus áit bhreithe gach imreora.
- Cuirfidh an Rúnaí Cúige an Clár ar aghaidh chuig an Ard-Chomhairle cúig lá ar a laghad roimh rannpháirtíocht an Chúige i sraith Chraobhchomórtas na hÉireann.
- Féadfar imreoirí breise a chur leis an gClár do gach cluiche ina dhiaidh sin, roimh an gcluiche.

Pionós: Fíneáil €200 ar an aonad lena mbaineann.

(12.2) Clárú/liostaí le haghaidh Chluichí Craoibhe Sinsear Idirchontae

Forálacha faoi leith i leith Clárú Foirne agus soláthar Liosta Foirne don Réiteoir le haghaidh na gCluichí Craoibhe Sinsear Idirchontae uile

In ainneoin forálacha Rialacha nó Cód ar bith eile, beidh na ceanglais seo a leanas i bhfeidhm go sonrach maidir leis na Cluichí Craoibhe Sinsear Idirchontae uile:

- Le haghaidh gach Cluiche Craoibhe Sinsear Idirchontae, clárófar leagan amach na bhFoirne (Cúigear Imreoirí Déag agus Imreoir Déag ar a mhéad ar an bPainéal - seisear imreoirí is fiche san iomlán) leis an gCoiste i bhFeighil tráth nach déanaí ná 9am ar an Déardaoin roimh chluiche deireadh seachtaine.

Pionós: Aistarraingt Pribhléidí na Taobhlíne ón mBainisteoir le haghaidh cluiche amháin agus/nó fíneáil €1,000 ar a mhéad ar an gCoiste Contae, ag brath ar na cúinsí.

- Áireofar aon rialacháin a chlúdaíonn aon athrú ar an bhFoireann Chláraithe nó ar an bPainéal Cláraithe sna Rialacháin Comórtais agus beidh sé ceadaithe ag an Ard-Chomhairle.

Pionós as imreoir nach bhfuil cláraithe leis an gCoiste i bhfeighil a imirt nó a áireamh ar liosta na Foirne a chuirtear faoi bhráid an Réiteora: An Cluiche a Fhorghéilleadh.

- Cuirfear Liosta Foirne a bheidh leagtha síos (arna eisiúint ag an gCoiste i bhFeighil ó am go chéile), ina ndearbhófar an 15 imreoirí tosaithe agus 11 imreoirí painéil bhreise ar a mhéad, isteach chuig an Réiteoir tráth nach déanaí ná daichead nóiméad roimh amanna tosaigh oifigiúla an Chluiche agus ní bheidh air ach ainmneacha na nImreoirí Cláraithe arna sonrú in ailt (a) nó (b), in éineacht le hOifigigh na Foirne. Áireofar aon rialacháin a chlúdaíonn aon athrú ar an bhFoireann Tosaigh tar éis liosta na Foirne a bheith curtha faoi bhráid an Réiteora sna Rialacháin Comórtais, arna ceadú ag an Ard-Chomhairle.

Pionós: Fíneáil ar an gCoiste Contae - suas le €1,000 ar a mhéad do gach nóiméad thar an am a leagadh síos.

(13) SRAITHEANNA

(13.1) Cúrsaí Eagrúcháin

Eagrófar Sraithchomórtas faoi réir Rialacha Ginearálta an Chumainn. Sula dtosaíonn an comórtas, dréachtóidh an Coiste i bhFeighil na rialacháin lena rialófar a eagrúchán.

Féadfar sraitheanna a eagrú ar bhonn babhta amháin nó babhtaí dúbailte. Nuair a imrítear Sraith ar bhonn babhtaí dúbailte, tabharfar torthaí agus scóranna comhcheangailte an dá chluiche san áireamh i gcás go bhfuil na foirne cothrom.

Beidh na Rialacháin atá leagtha amach i gCód 11.1 (e) i bhfeidhm maidir le Comórtais Sraithe.

Eisceacht: I gcás Cód 11.1 (e) (i), féadfaidh an Coiste i bhFeighil Córas dáilte Pointí eile a shocrú.

Pionós do gach Cluiche nach gcomhlíontar: Bronnadh an Chluiche ar an bhFoireann Eile; Íosfhíneáil - Contae €400, Club €100 nó pionós eile arna shonrú i Rialacháin Comórtais an Choiste i bhFeighil.

(13.2) Sraitheanna Náisiúnta

Cinnfidh an Ard-Chomhairle, ar chomhairle ón Lárchoiste Rialaithe Comórtas na rialacháin lena rialófar comhdhéanamh, uainiú, ardú céime, ísliú céime, cluichí réitigh agus na cúrsaí eile ar fad a bhaineann leis na Sraitheanna Náisiúnta Iomána agus Peile.

Comhdhéanfar na Sraitheanna Náisiúnta Iomána agus Peile ionas go mbeifear ábalta iad a chríochnú, lena n-áirítear Cluichí Ceannais, thar líon nach mó ná ocht ndeireadh seachtaine, ach ní gá go mbeadh siad as a chéile.

Eisceachtaí:

- (1) Tá naoi seachtaine ceadaithe le haghaidh Roinn 1 de na Sraitheanna Náisiúnta Peile agus Iománaíochta.
- (2) Tá deich seachtaine ceadaithe le haghaidh Roinn 4 den tSraith Náisiúnta Peile.

(13.3) Trialacha do Rialacha Imeartha

Féadfar athruithe ar na Rialacha Imeartha arna moladh ag an Ard-Chomhairle a thriail i Sraitheanna Náisiúnta agus Contae na bliana roimh an gComhdháil Bhliantúil ag a gcuirtear rúin chun cinn chun athbhreithniú a dhéanamh ar na Rialacha Imeartha.

(13.4) Nasc le Stádas Craobhchomórtais

Ní mór do Chontae ar mian leis rathúlacht sa tSraith agus stádas Craoibhe a nascadh, cead foirmiúil a fháil gach bliain óna Chomhairle Cúige.

(14) CLUICHÍ COMÓRTAIS AGUS CLUICHÍ DÚSHLÁIN

(14.1) Cluichí Comórtais

- a. Beidh gach cluiche Comórtais ceadaithe ag an údarás rialaithe cuí, a dhéileálfaidh le cúrsaí smachtaithe ar bith a thiocfadh chun cinn.
- b. Eagrófar Comórtais Idirchontae sna gráid seo a leanas amháin:
 - i. Suas go dtí Faoi Bhun 16 agus é sin san áireamh (Peil agus Iomáint);
 - ii. Faoi bhun 19 (Peil agus Iomáint).

Ní mór ceadú a fháil ón gComhairle Chúige i gcás go dtagann foirne as Cúige amháin, agus ón Ard-Chomhairle i gcás go dtagann na foirne as níos mó ná Cúige amháin.

- c. Beidh Comórtais Idirclub teoranta go hocht bhfoireann ar a mhéad, ach amháin má cheadaíonn an tÚdarás Rialaithe a mhalairt. Ní mór an ceadú a fháil faoi mar a leanas:
 - Ón gCoiste Contae i gcás go dtagann na foirne as laistigh de Chontae amháin.
 - Ó na Coistí Contae lena mbaineann i gcás go dtagann na foirne as níos mó ná Contae amháin, agus i gcúinsí dá leithéid ní mór ceadú a fháil ón gComhairle Chúige nó ón Ard-Chomhairle, de réir mar is cuí.
- d. Ní mór na hiarratais ar fad ar cheadú Comórtas a bhaineann le foirne ó thaobh amuigh de Chlub an Chontae Féin a bheith molta ag an gCoiste Contae Baile.
- e. Íocfar táille €40 ar Chomórtas Idirchontae agus táille €20 ar Chomórtas Idir-Club leis an iarratas.
- f. Déanfaidh Aonaid a mbeidh Cluichí Comórtais á n-eagrú acu an t-iarratas, i scríbhinn, chuig an údarás cuí/na húdaráis chuí in am le go mbeidh cead tugtha nó seachas sin, seacht lá roimh dháta tosaigh an Chomórtais a bheidh beartaithe. Féadfaidh an Chomhairle nó an Coiste i bhFeighil údarás a thabhairt dá Rúnaí chun cead a thabhairt.

I gcás go dteastaíonn ceadú ó níos mó ná Aonad amháin de chuid an Chumainn le haghaidh Comórtais faoi leith, tabharfaidh Aonad an Iarrthóra fógra ag an am céanna nó thart ar an am céanna, go díreach do na hAonaid ábhartha uile.

- g. Beidh na sonraí seo a leanas san áireamh san iarratas: Ainmneacha na bhFoirne Iomaíochta; an tIonad; ainmneacha na Réiteoirí neodracha, a bheidh ar Liosta reatha agus aitheanta na Réiteoirí, ar na Leibhéil Chontae/Chúige/Náisiúnta, de réir mar is cuí.
- h. Cuirfear Tuairisc Cluiche an Réiteora faoi bhráid an údaráis chuí laistigh de thrí lá ó chluiche. Nuair is iomchuí leis an gComhairle nó leis an gCoiste i bhFeighil, cuirfear an Tuairisc isteach laistigh de 24 huaire.
- i. Tá feidhm ag na Cóid thuas maidir le Comórtais Seachtar an-Taobh, ach amháin teorainn foirne faoi mar a shainítear i gCuid (c) thuas. Tá líon na bhfoirne a cheadófar i gComórtas Seachtar an-Taobh faoi rogha an Údaráis Rialaithe chuí.

Beidh na comórtais sin faoi réir Rialacha na Treorach Oifigiúla, agus Rialacha eile a dhreachtóidh an Lárchoiste Rialaithe Comórtas, nó an Lárchoiste Rialaithe Comórtas Forbartha. Ní cheadófar athrú ar bith ar na Rialacha lena rialaítear smacht.

- j. Tá na Cóid thuas infheidhme i leith Comórtas Ógánach (a bhaineann le himreoirí

san aoisghrúpa faoi bhun 16 nó níos óige).

- k. Beidh comórtais réamhshéasúir Idirchontae do dhaoine fásta a eagraíonn na Comhairlí Cúige curtha i gcrích roimh bhabhta deiridh na gcluichí i Roinn a hAon de na Sraitheanna Náisiúnta faoi seach.

Ní rachaidh mainneachtain i gcloí le ceann ar bith d'Fhorálacha na Rialacha thuas, i gcion ar Imeachtaí Smachtaithe a thiocfadh as Cluiche a imríodh a thionscain.

Pionóis:

As Comórtas Neamhúdaraithé a Eagrú -

Contae - Fíneáil €1,000

Club - Fíneáil €500; Faoi dhliteanas Fionraíocht 8 seachtaine ar a laghad.

As Páirt a Ghlacadh i gComórtas Neamhúdaraithé - Contae - Fíneáil €500

Club - Fíneáil €250

Foireann/Imreoir - Faoi dhliteanas Fionraíocht 8 seachtaine ar a laghad.

(14.2) Cluichí Dúshláin

- (a) Beidh gach Cluiche Dúshláin ceadaithe ag an Údarás Rialaithe cuí, a dhéileálfaidh le cúrsaí smachtaithe ar bith a thiocfadh chun cinn.
- (b) Ceadóidh an Chomhairle Chúige (Comhairlí Cúige) agus an Ard-Chomhairle cluiche Dúshláin Idirchontae, de réir mar is cuí. Ní mór ceadú a fháil ón gComhairle Chúige i gcás go dtagann foirne as an gCúige céanna, agus ó na Comhairlí Cúige cuí agus ón Ard-Chomhairle i gcás go dtagann na foirne as níos mó ná Cúige amháin.
- (c) Ceadóidh an Coiste Contae (Coistí Contae), an Chomhairle Cúige (Comhairlí Cúige) nó an Ard-Chomhairle Cluiche Dúshláin Idir-Chlub. Ní mór ceadú a fháil ón gCoiste Contae i gcás go dtagann foirne as an gContae céanna, agus ó na Coistí Contae agus ón gComhairle Chúige i gcás go dtagann na foirne as dhá Chontae nó níos mó, agus ní mór ceadú a fháil ó na Coistí Contae, ó na Comhairlí Cúige cuí agus ón Ard-Chomhairle i gcás go dtagann na foirne as níos mó ná Cúige amháin.
- (d) Déanfaidh Aonaid a mbeidh Cluichí Dúshláin á n-eagrú acu iarratais, i scríbhinn, chuig an údarás cuí/na húdaráis chuí in am le go mbeidh cead tugtha nó seachas sin, dhá lá roimh dháta tosaigh an chluiche mholta. Féadfaidh an Chomhairle nó an Coiste i bhFeighil údarás a thabhairt dá Rúnaí chun cead a thabhairt. I gcás go dteastaíonn ceadú ó níos mó ná Aonad amháin den Chumann le haghaidh Cluiche Dúshláin faoi leith, tabharfaidh na hAonaid larrthóra fógra, ag an am céanna nó thart faoin am céanna, go díreach do na hAonaid ábhartha uile.
- (e) Beidh na sonraí seo a leanas san iarratas: Ainmneacha na bhFoirne lomaíochta; an tIonad; Ainm an Réiteora, a bheidh ar Liosta reatha agus aitheanta na Réiteoirí, ar na Leibhéil Chontae/Chúige/Náisiúnta, de réir mar is cuí. Beidh an Réiteoir Neodrach i gcás Chluiche Idirchontae Sinsear.
- (f) Cuirfear Tuairisc Cluiche an Réiteora faoi bhráid an údaráis chuí laistigh de thrí lá ón gCluiche. Nuair is iomchuí leis an gCoiste nó leis an gComhairle i bhFeighil, cuirfear an tuairisc isteach laistigh de 24 huair.
- (g) Tá na Cóid thuas infheidhme i leith cluichí Dúshláin Ógánach (imreoirí san aoisghrúpa Faoi bhun 16 nó níos óige). Ní rachaidh mainneachtain i gcloí le ceann ar bith d'Fhorálacha na gCód thuas, i gcion ar Imeachtaí Smachtaithe a thiocfadh as Cluiche a imríodh a thionscnamh.

Pionóis:

Maidir le hAonad a ghlacann páirt i gCluiche Dúshláin nach bhfuil údaraithe: Fíneáil
- Contae €250; Club €100

(15) CLUICHÍ – GINEARÁLTA

(15.1) Bronnadh/Fíricí Cluiche

Is faoin gCoiste nó faoin gComhairle i bhFeighil ag gníomhú ar Thuairisc an Réiteora a bheidh Bronnadh Cluiche.

I gcás go dteipeann ar an Réiteoir a Thuairisc a chur isteach laistigh de thréimhse 10 lá i ndiaidh an Chluiche, beidh an chumhacht ag an gCoiste nó ag an gComhairle i bhFeighil chun déileáil le Fíricí an Chluiche ar bhonn na fianaise sin is iomchuí leis an gCoiste nó leis an gComhairle i bhFeighil.

Féadfaidh an Coiste nó an Chomhairle i bhFeighil Cluiche a bhronnadh chomh maith bunaithe ar thoradh Agóide nó Cur i gcoinne Agóide.

(15.2) Rialacha maidir le Sonraíocht agus Rialú - Pionóis

Beidh na pionóis as sáruithe na Rialacha maidir le Sonraíocht agus Rialú (Cuid 2) mar seo a leanas:

- a. Foireann a dteipfidh uirthi íosmhéid de thriúr imreoirí déag a chur chun páirce ag tús cluiche:

Pionós: Cluiche a chur ar Ceal agus é a Bhronnadh ar an bhFoireann Eile.

- b. (i) Foireann a sháraíonn líon na n-imreoirí a cheadaítear faoi Riall 2.1, Rialacha maidir le Sonraíocht, Rialacha:

(ii) Foireann a sháraíonn líon na n-ionadaithe a cheadaítear faoi Rialacha 2.3 (i) agus (ii) nó a sháraíonn Riall 2.3 (iv) (b), Rialacha maidir le Sonraíocht, Rialacha Imeartha:

Pionóis:

Ar agóid chruthaithe - Bronnadh an Chluiche ar an bhFoireann Eile, nó Athimirt, nó Fíneáil, ag brath ar na cúinsí. Ar fhiosrú arna dhéanamh ag an gCoiste i bhFeighil - An Cluiche a chur ar Ceal gan an Cluiche a Bhronnadh ar an bhFoireann Eile, nó Athimirt, nó Fíneáil, ag brath ar na cúinsí.

- c. (i) Teip i liosta Imreoirí a sholáthar faoi mar a shainítear i Riall.
- (ii) Ionadaí (lena n-áirítear Ionadaí Sealadach) a chur isteach nach bhfuil a ainm tugtha don Réiteoir nó don Oifigeach Taobhlíne, de réir mar is cuí, agus faoi mar a shainítear i Riall.
- (iii) I gCluichí Idir-Chontae, Ionadaí (lena n-áirítear Ionadaí Sealadach) a chur isteach nach bhfuil a ainm ar an liosta d'Imreoirí a tugadh don Réiteoir:

Pionós:

Ar fhiosrú arna dhéanamh ag an gCoiste i bhFeighil - An Cluiche a chur ar Ceal gan an Cluiche a Bhronnadh ar an bhFoireann Eile, nó Fíneáil, ag brath ar na cúinsí.

d. **Déanach ag dul chun páirce**

- i. Foireann a bheidh déanach ag dul chun páirce do chluiche: Pionóis:
Contae nó Cúige – Fíneáil €100; Fíneáil Chlub €20 - le haghaidh gach cúig nóiméad nó cuid de suas go dtí 15 nóiméad, agus ina dhiaidh gach nóiméad nó cuid de suas go dtí 30 nóiméad.
Le haghaidh os cionn 30 nóiméad i ndiaidh an Ama Tosaithe a ceapadh measfar gur géilleadh an Cluiche agus Bronnfar ar an bhFoireann Eile é, mura bhfuil cúinsí eisceachtúla i réim.
- ii. (a) Foireann a bheidh freagrach as sos leath ama a shárú faoi mar a shonraítear i Rialacha 3.3 agus 3.7 de na Rialacha maidir le Sonraíocht.

Pionóis:

Contae nó Cúige - Fíneáil €80 le haghaidh gach cúig nóiméad nó cuid de; Club - Fíneáil €10 le haghaidh gach nóiméad nó cuid de.

- (b) Foireann a bheidh freagrach as tréimhse Sosa cheadaithe a shárú ar feadh níos mó ná 10 nóiméad.

Pionós:

Cluiche a chur ar Ceal agus é a Bhronnadh ar an bhFoireann Eile.

- iii. Foireann (foirne) nár cuireadh chun páirce le haghaidh breis ama éigeantach laistigh de na nóiméid shonraithe.

Pionós:

Cluiche a chur ar Ceal agus é a Bhronnadh ar an bhFoireann Eile.

e. **Geansaithe/Dathanna**

- i. Foireann Chontae nach bhfuil a ndathanna sainiúla cláraithe á gcaitheamh acu i gcomórtais Idirchontae, nó i gcás go bhfuil contae ann ag a bhfuil dathanna comhchosúla nach bhfuil a ndathanna malartacha cláraithe nó dathanna eile atá údaraithe nó ordaithe ag an gComhairle Rialaithe á gcaitheamh acu.
- ii. Foireann Chlub nach bhfuil a ndathanna sainiúla cláraithe á gcaitheamh acu i gcomórtais Idirclub, nó i gcás go bhfuil club ann ag a bhfuil dathanna comhchosúla nach bhfuil a ndathanna malartacha atá faofa ag an gComhairle Rialaithe á gcaitheamh acu.
- iii. Mura bhfuil geansaí atá sainiúil ó dhathanna a fhoirne féin agus na foirne eile á chaitheamh ag an gcúl báire.

Pionós:

Fíneáil €80.

(15.3) Tréimhsí Dúnta/Comhthraenáil

Comhthraenáil: *Is éard is Comhthraenáil ann nuair a chaithfidh imreoir amháin nó níos mó a bheith in áit faoi leith ag am faoi leith ar dháta faoi leith.*

Is féidir le painéil Idirchontae filleadh ar chomhthraenáil agus/nó ar chluichí le haghaidh na bliana dár gcionn ar amchlár a chinneadh an Ard-Chomhairle ó am go chéile.

Ní bheidh Comhthraenáil do gach Painéal Foirne Idirchontae Sinsear lena mbaineann fanacht thar oíche ceadaithe muna bhfuil cead scríofa tugtha roimh ré ag an Lárchoiste Rialaithe Comórtas.

Beidh Foireann Idirchontae Faoi Aois (i.e. Faoi 20 nó Mionúr) teoranta do thrí chomhsheisiún ar a mhéad- Traenáil agus/nó Cluichí - in aghaidh na seachtaine.

Is iad an Ard-Chomhairle a chinneadh, ó am go ham, na srianta a bheidh i bhfeidhm maidir le comhthraenáil agus/nó cluichí do Phainéil Fhorbartha Contae, nó grúpa Imreoirí de chineál ar bith eile atá faoi chúram Coiste Contae.

Pionóis as sárúithe:

Painéil Idirchontae Sinsear: Géillfidh an fhoireann a hlonad Baile dá céad 'Chluiche Baile' eile sa tSraith Náisiúnta.

Gach Painéal Eile:

Pionós Foirne: eisiamh ón gcomórtas.

(15.4) Craobhchomórtais Ardoideachais agus Iar-bhunscoileanna Uile-Éireann

- (a) Cuirfear Craobhchomórtais Uile-Éireann na nIar-bhunscoileanna i gcrích ar nó roimh an deireadh seachtaine díreach tar éis Lá Phádraig gach bliain.
- (b) Imreofar Cluiche Ceannais Chorn Mhic Shiogúir ar nó roimh an seachtú Domhnach den bhliain.
- (c) Imreofar Cluiche Ceannais Chorn Mhic Giobúin ar nó roimh an ochtú Domhnach den bhliain.

(16) CUR I bhFEIDHM RIALACHA AGUS CÓD

(16.1) Bailíocht Bhunreacht Foirne

- (a) Gan dochar do dhlínse smachtaithe ghinearálta na Comhairle nó an Choiste i bhFeighil nó na Rialacha maidir le hAgóidí, féadfaidh Coiste Rialaithe Comórtas na Comhairle nó an Choiste i bhFeighil, as a thoil féin ag tráth ar bith, nó ar iarratas ó Aonad a bheidh bainteach le cluiche, nó ó Aonad nach mbeidh páirteach i gcluiche ach a bhféadfadh tionchar díreach a bheith ag toradh an chluiche orthu, tráth nach déanaí ná trí lá i ndiaidh thosach oifigiúil an chluiche, imscrúdú a dhéanamh ar cibé bealach is iomchuí leis ar bhailíocht chomhdhéanamh Foirne a raibh páirt á glacadh aici sa Chluiche.
- (b) I gcás, mar thoradh ar imscrúdú dá leithéid, agus ní ar Agóid, go bhfaightear amach go bhfuil comhdhéanamh Foirne a raibh páirt á glacadh aici i gCluiche neamhbhailí, gearrfaidh an Coiste Rialaithe Comórtas pionós i ndáil le toradh an Chluiche mar a bhaineann (lena n-áirítear Cur ar Ceal, nuair is cuí, ach gan an Cluiche a bhronnadh ar an bhFoireann Eile). Féadfaidh an Coiste Rialaithe Comórtas Beart Smachtaithe dá leithéid a thionscnamh de réir mar is iomchuí

sna cúinsí.

(16.2) Dícháilíocht Foirne agus Cluichí a chur ar Ceal

- (a) I gcás go bhforchuirtear Ceal, caithfear leis an bhFoireann lena mbaineann amhail is gur chaill siad an Cluiche lena mbaineann, ach ní Bhronnfar an Cluiche ar an bhFoireann Eile, mura bhforáiltear ina leith sin sa Riail nó Cód infheidhme faoinar gearradh an pionós.
- (b) I gcás go nDícháilítear Foireann ó Chomórtas, ní bheidh an Fhoireann sin páirteach a thuilleadh sa Chomórtas sin, agus má eascraíonn an Dícháiliú as Cluiche faoi leith, caithfear leis an bhFoireann amhail is gur chaill siad an Cluiche sin.
- (c) Calaoisí ar bith a thaifeadfar, Beart Smachtaithe ar bith a thionscnófar nó Fionraíocht nó Pionóis ar bith eile a fhorchuirfear maidir le sáruithe ar bith ar Riail nó ar Chód, nó i ndáil le Cluichí ar bith a d'imir an Fhoireann Dícháilithe, seasfar leo.
- (d) Foireann ar bith a mbuafaidh Foireann Dhícháilithe orthu i gComórtas Díbeartha (lena n-áirítear babhtaí Díbeartha Comórtais a eagraíodh ar bhonn Sraithe), ní thabharfar ar ais sa Chomórtas iad (ach amháin i gcás go dtagann an Dícháiliú as Agóid chruthaithe).
- (e) I gcás go mbaintear pointí d'fhoireann i gComórtas Sraithe, imreoidh an fhoireann na cluichí uile sa chomórtas sin, ach bainfear an líon cuí pointí di ag deireadh an chomórtais.

(16.3) Fíneálacha

- (a) Gearrfar na Fíneálacha sna suimeanna arna leagan amach i Rialacha, i gCód, i bhFodhlíthe agus i Rialacháin. I gcás nach bhfuil sé sainithe, beidh suim na Fíneála faoi rogha na Comhairle nó an Choiste i bhFeighil ach ní bheidh sé níos lú ná €200.
- (b) Ní ghearrfar Fíneálacha ach ar Aonaid, agus ní ar Bhaill.
- (c) I gcás nach n-íocfar Fíneáil laistigh de cibé tréimhse a bheidh ordaithe ag an gComhairle nó ag an gCoiste i bhFeighil (tráth a bhforchuireadh an Fhíneáil nó ina dhiaidh sin), beidh an tAonad lena mbaineann agus/nó a Oifigh faoi réir cibé smachtbhannaí is iomchuí leis an gComhairle nó leis an gCoiste i bhFeighil.

(16.4) Díbharrú

- (a) I gcásanna cuí, féadfaidh an Chomhairle nó an Coiste i bhFeighil, trí bhíthin pionóis, ball a dhíbharrú ó phribhléidí aitheanta an Chumainn amhail Cluichí a imirt, freastal ar Chluichí, bheith i seilbh oifige, cistí a láimhseáil, freastal ar ócáidí seachas Cluichí srl.
- (b) I gcás go measann an Coiste Bainistíochta nó an Coiste Rialaithe Comórtas (de réir mar is cuí) go bhféadfaí dochar a dhéanamh de leasanna an Chumainn nó a Bhall le linn tréimhse fógra um Bheart Smachtaithe faoi Riail 7.3 agus Éisteachtaí ar bith de bhun an fhógra sin, féadfar Díbharrú a fhorchur ag feitheamh chríoch an Bhirt Smachtaithe, faoi réir an chirt chun athbhreithnithe ag an gCoiste Éisteachtaí. Ní beidh tionchar ag an Riail seo ar Fhionraíochtaí a thosaíonn faoi Riail 7.5 (i), roimh Éisteacht.

Pionós as Sárú ar Dhíbharrú:

Fionraíocht ó fheidhmeanna agus ó phribhléidí uile an Chumainn ar feadh thréimhse an Díbharraithe, mar aon le Fionraíocht bhreise ar feadh 12 sheachtain.

(16.5) Ruaigeadh

- (a) Ní fheidhmeoidh Aonad ar bith seachas Coiste Contae nó Aonad níos airde an dlínse maidir le Ball nó Club a ruaigeadh.
- (b) I gcás go gceapann Coiste nach bhfuil an dlínse aige chun ruaigeadh a fheidhmiú, agus Beart Smachtaithe seolta aige maidir leis sin, gurb é Ruaigeadh an pionós cuí le forchur, cuirfear a mholadh maidir leis sin faoi bhráid an mháthair-Aonaid ag a bhfuil an dlínse sin, lena dhaingniú.
- (c) Ar an gcoinníoll nár tharla mí-úsáid nó sárú ar Riail nó ar Chód agus go bhfuil an máthair-Aonad sásta go bhfuil smachtbhanna an Ruaigthe cuí, daingneoidh sé an moladh agus forchuirfidh sé an Ruaigeadh a bheidh molta. Mura ndaingneofar an moladh, féadfaidh an máthair-Choiste pionós malartach a fhorchur in áit an Ruaigthe nó féadfar an cheist a chur ar aghaidh chuig an gCoiste bunaidh lena breathnú arís.
- (d) I gcás go ruaigfear Club as an gCumann, déanfar an Club a fhoirceannadh de réir Riail 3.4.
- (e) I gcás go ruaigfear Club as an gCumann, ruaigfear a Bhaill ar fad dá réir sin. Féadfaidh Ball aonair ón gClub a ruaigeadh, iarratas a dhéanamh leis an gComhairle nó leis an gCoiste a d'fhorchuir pionós an Ruaigthe ar chead chun Ballraíocht sa Chumann a fháil trí Chlub eile. Beidh sé faoi rogha an Choiste sin iarratas dá leithéid a dheonú nó a dhiúltú, i ndiaidh dó dul i gcomhairle leis an gCoiste a mhol an Ruaigeadh, más cuí.

